


全五代詩
附補遺
一一



貴州省圖書
中文舊書



全五代詩

附補遺

(一十)

J
17.8
1.1777

李調元編

全五代詩卷六十七

吳越

羅隱

隱字昭諫。餘杭人。本名橫。十上不第。遂更名從。事湖南淮潤。無所合。久之歸投錢鏐。累官錢塘令。鎮海軍掌書記。節度判官。鹽鐵發運副使。著作佐郎。奏授司勳郎。朱全忠以諫議大夫召不行。魏博羅紹威推為叔父。表薦給事中。年七十七卒。所著有歌詩集十四卷。甲乙集三卷。外集

一卷。紀事。隱虬鄭共搗屋。謂之三羅。昭宗聞其名。欲以甲科處之。有大臣奏曰。隱雖有才。然多輕易。明皇聖德。猶橫遭乎譏謗。將相臣僚。其能免乎凌轢。帝問譏謗之詞。對曰。隱有華清詩云。也知道德勝堯舜。急奈楊妃解笑何。事遂寢。

君漢漁隱叢話。隱工詩。尤長於詠史。唐宰相鄭畋。深器之。鄭有女。美而才。嘗得隱詩。飄調。至忘寢食。尤喜張華。說出如丹。語不及劉侯一紙書之句。鄭憐其意。欲以妻隱。一旦召隱至私第。具食。俾女於壁間窺之。女見隱貌極陋。遂焚其詩。不復肯語。為婚竟不成。吳越備史。隱始謁武肅王。懼不見。納以所為夏口詩。標於卷首云。一個禰衡容不得。思量黃祖謾英雄。王覽之大笑。因加殊禮。復命簡書。辟之曰。仲宣遠託。劉荆州都緣亂世。夫子辟為魯司寇。只為故鄉。王初授鎮海節度。命沈亞之。謝表。盛言浙西繁富。以示隱。隱曰。今浙西兵火之餘。日不暇給。朝廷執政。方切賂賄。此表入奏。豈無意要求耶。乃請更之。略曰。天寒而麋鹿常游。日暮而牛羊不下。朝廷見之曰。此羅隱之辭也。及為賀昭宗更名表。曰。左則虞舜之全文。右則姬昌之半字。京師稱為第一。以此名聞於夷貊。古今詩話。隱與桐廬章魯風齊名。錢武肅崛起。以魯。魯筆札。召為表。表孔目官。魯風不就。執之後。以隱為錢塘令。懼而受命。因宴獻詩。有箇禰衡容不得之句。自是始厚之。此與備史少異。後村唐人尤重。

進士其末也。如李振勳朱溫一日殺司空裴贄等百餘人于白馬驛。蘇楷歌昭宗謚李山甫教樂從誦。書王鐸一乘三百。皆不得志於場屋者。爲之乃至舉寇。亦進士也。科目之弊如此。當時惟羅隱有詩聲。屢擯于名場。然達世亂。羅氏以爲身未嘗失節。五言詩云。四海靈光第。六龍揚奉營。此必是諸鎮皆封。主賜功臣。號及枝汴。劫質天子之時。又云。陪臣無以報。四望不勝情。又聞幸蜀七言云。靜憐貴族謀身易。危惜文皇創業難。蓋有惓惓本朝之意。可嘉也。總龜光化中。隱佐兩浙。事同院沈嵩。得新榜封云。隱隱批一絕於紙曰。黃土原邊狡兔肥云云。鑑戒錄。羅陵妓雲英者。隱與舊下第見之。雲英曰。羅秀才尚未脫白。隱贈詩有我未成名君未嫁。可能俱是不如人之句。據言裴筠婿蕭楚公女。言定未幾。便擢進士。隱以一絕刺之。略曰。細看月輪還有意。信知青桂近嫦娥。困學記聞。隱詠松有云。陵遷谷變須驚節。莫向人間作大夫。其志亦可悲矣。唐六臣。彼何人哉。隱說錢鏐舉兵討梁。其忠義可見。視奴事朱溫之杜荀鶴。猶糞土也。十國春秋。武肅王時。西湖日納魚數斤。號使宅魚。會王召隱。阻礮溪垂釣。隱借詩寓意云。呂望當年展廟諫。直鉤釣國更何如。若教生在西湖上。也是須供使宅魚。連錫其征。藝苑雌黃。隱江東集有淚詩云。自從魯國潛然後。不是姦人卽婦人。嘗疑其所出。及觀孔叢子言。子高游趙。平原君客有鄒文李節者。與子高相友善。臨別文節流涕交頤。子高徒抗手而已。其徒疑之曰。凡泣者一無所取乎。子高曰。有二焉。大姦之人。以泣自信。婦人懦夫。以泣著愛。始解其說。又苕溪漁隱叢話。余舊見顏持約所遺溪澗杏花。題小詩於後。仍題持約二字。意謂必其所作。因閱唐宋類詩。方知是羅隱詩。持約竊之耳。詩云。暖氣潛吹次第春。梅花已謝杏花新。半開半落閑園裏。何異榮枯世上人。蔡寬夫詩話。潤州甘露寺。有石狀如伏羊。形製略具。號狼石。相傳孫權嘗據其上。與昭烈論曹公。壁間蓋有羅隱詩版。其末句云。還有市塵沾酒客。雀喧鳩聚話蹄躄。時鏐。高駢徐溫。鼎立三方。潤州介處其間。隱此詩比平時所作。亦差婉而有味也。又藝苑雌黃。唐人記后土夫人事。以譏武后耳。高駢末年。惑於神仙之說。呂用之。諸葛殷等。皆言能役使鬼神。駢酷信之。用之等援引朋黨。恣爲不法。嘗云。后土夫人靈佑。遣使就某借兵馬。并李筌所撰太白陰經。駢速下兩縣。率百姓以牽席千領。畫甲馬之狀。令用之於廟庭焚之。又以五采箋。寫太白陰經十通。置

於神座之側。又於夫人帳中。整綠衣少年。謂之章郎。故羅隱詩云。四海兵戈尙未寧。護勢淮海高儀形。九天女猶無聖后。士夫人豈有靈。一帶好雲侵髮絲。兩行危岫拂眉青。章郎年少今何在。端坐思量太白經。暮府燕閑綠。唐昭宗播遷隨駕。伎藝人止有弄猴者。猴頰馴。能隨班起居。昭宗賜以辨。賜號供奉。故隱有詩云。十二年前試武期。五湖烟月奈相違。何如賈取胡孫弄。一笑君王使者紳。朱梁篡位。取此猴。令殿下起居。猴望殿陛。見金忠。徑趣其所。跳躍奮擊。遂令殺之。五代詩話。隱廢疾。王親臨撫問。題其壁云。黃河信有澄清日。後代應難繼此才。隱起續末句云。門外旌旗屯虎豹。壁間章句動風雷。以紅紗覆其上。其後果無子嗣。所著江南甲乙集。淮海寓言。及讖書後集。并行於世。初新登置江常。有二氣互於江上。晝夜不滅。及隱泊。丞相杜建徽生。而氣不復見。識者以爲文武秀氣焉。又隱出語成讖。多留異迹。黃滔贈隱詩云。三徵不起時賢議。九轉丹成道者言。李載癸籤。五代十國詩家。最著者。多有唐遺士。章正已。體近雅。正惜出之太易。義乏闕深。杜彥之但淺。以衰調寫衰代。事情亦自真切。黃文江力屢韻清。呢呢如與人對語。羅昭諫酣情飽墨。出之幾不可了。未少佳篇。奈爲浮澁所掩。然論筆才。自在僞國。諸吟流上。餘卽不乏片藎。付之自鄙。又白居易詠老柳樹。但見半衰。臨此路。不知初種。是何人。羅隱詠長明燈。不知初點人何在。祇見當年火至今。語似祖述。而用法一順一倒不同。桐江詩話。許渾集中。佳句甚多。然多用水字。故國初士人云。許渾千草溼。是也。謂如洛中體古詩云。水聲東去市朝變。山勢北來宮殿高。此句當無愧於作者。羅隱詩篇。皆有喜怒哀樂。心志去就之語。而卒不離乎一身。故許渾千草溼。人以羅隱一生身爲對。又云。杜甫一生愁。似優於前矣。西溪叢話。隱牡丹詩云。可憐轉令功成後。虛負穠華過此身。據白廷輪唐蒙求轉令牡丹注云。元和中京師貴遊。尙牡丹。一本直數萬。韓滉私第有之。連命剗去。曰。豈效兒女耶。北夢瑣言。隱與周繇分深。繇謂隱曰。閣下有女郎。子詩極爲絕唱。隱不嗔。何爲。繇曰。若教解語。應傾國。任是無情也。動人。隱撫掌大笑。許彥周詩話。隱詩只知事。逐眼前。不見詩。不覺老。從頭上來。此話殊有味。南部新書。隱題杜甫集。是水悠悠浸未亭。楚南天地兩無情。忍教孫武重泉下。不見詩。人說用兵。纂要。建德有金雞石。隱題云。金雞不向五更啼。石遂破裂。有雞飛鳴而去。楓窗小牖。予憶家後。編續一大升。

是武肅王外祖家舊物。井上有文云。於維此井。淳育坎靈。有莘有邵。實此儲英。時有長虹。上貫青冥。是惟王氣。宅相先徵。奚啓霸王。奠安蒼氓。沛膏漸澤。配德東溟。臣羅隱謹記。游城南記。杜佑有別墅。爲城南之最。有樹每朵七葉。因以爲名。隱詩記之云。夏窗七葉連陰暗。隱又有城南雜感詩。其脰有景星觀。姚家園。葉家林。及賴家橋上。瀟河邊句。今雜感詩亡。天中記。隱上亭驛句云。山雨霏微宿上亭。雨中因想雨淋鈴。全唐詩話。隱中秋不見月詩云。只恐異時開壽後。玉輪依舊養蟾蜍。本於盧仝月蝕詩。然簡明。又羅隱謝裴廷翰詩卷云。澤國佳人。唯粧半面。梁邱辨士。或獻空籠。又金山僧院句云。老僧驚罷關門睡。不管波濤四面生。又顧雲依淮海高駢。隱贈之。夏飲於海風亭。雲曰。青蠅被扇扇離席。隱違曰。白澤遭釘釘在門。五代史補。隱爲文章。多氣力而性傲睨。常值章貽範於舟次。素味生平。隱直呼舟子曰。是何朝官。我腳間夾筆。可敵得數輩。貽範慚恨。卒以此沮之。其作詩文。及謔語。常涉譏刺。又隱適魏。謁鄒王羅紹威。將入境。先寓書敘家世。以紹威爲從子。行幕府。吏皆怒曰。隱一布衣。而姪視大王可乎。紹威素重士。且曰。隱名振天下。王公大人。多爲所薄。今惠然肯顧。得爲從子。幸矣。遂擁旆郊迎。執禮甚恭。隱亦不讓。比行。贈錢百萬。仍以書抵武肅王。稱爲季父。紹威喜學。隱詩。號其文曰。偷江東集。又令狐滈登進士。隱賀以短章。滈父詢曰。吾不喜兒得第。喜得羅公一篇耳。其取重當世。有如此。五色線記云。鸚鵡能言。不離飛鳥。猩猩能言。不離禽獸。隱詩云。猩猩鸚鵡無端會。長向人間被網羅。詩話。隱有尙父建小樓。特摘麗藻。不敢稱揚。絕句三首云。結構叨馮柱石材。政期幢蓋此裴回。陽春曲調高誰和。盡日焚香倚魄臺。又瑋簪珠履愧非材。時旣闌干首重回。只待淮妖剪除後。別傾卮酒賀行臺。又關盤初成愧楚材。不知星彩尙迂回。風流孔令陶鈞外。猶記山妖逼小臺。蓋謂錢鏐王作也。丹鉛總錄。學詩者。動輒言唐詩。便以爲好。不思唐人有極惡劣者。如薛逢戎昱。乃盛唐之下。唐亦有數等。如羅隱。杜荀鶴。晚唐之下者。李山甫。盧延遜。又其下者。望羅杜。又不及矣。其詩如一箇彌衡。容不得。又一領青衫。消不得之句。其他如我有心中事。不向章三說。昨夜洛陽城。明月照張八。又如餓貓窺鼠穴。飢犬舐魚砧。又如其將閑話當閑話。往往事從閑話生。又如水牛浮鼻渡。沙鳥點頭行。此類皆下里優人口中語。而宋人方採以爲詩法。入全唐詩話。使觀者曰。是亦唐詩。

之一體也。如今稱燕趙多佳人。其間有跛者。眇者。羸羸者。疥且痔者。乃專房寵之曰是亦燕趙佳人之一種可乎。唐藝文志。隱有蜘蛛詩云。物之小兮。迎網而斃。物之大兮。兼網而逝。網也者。繩其小而不繩其大。吾不知爾身之危兮。腹之餒兮。吁。

按此是賦體。應入

文集。茲故不登。

蟋蟀詩

頑颯斃芳。吹愁夕長。屑戍有動。歌離弔夢。如訴如言。緒引虛寬。周隙伺楊。緘咽蝨緣。范睡蟬老。冠峨綏好。不冠不綏。爾奚以悲。蚊蚋有毒。食人肌肉。蒼蠅多端。黑白偷安。爾也出處。物兮莫累。壞舍啼衰。虛堂泣曙。勿徇喧譁。鼠也無牙。勿學萋菲。垣亦有耳。危條橋飛。抽恨啾啾。別帳缸冷。柔魂不定。美人在何。夜影流波。與子佇立。徘徊思多。

空城雀

雀入官倉中。所食能損幾。所恨往復頻。官倉乃害爾。魚網不在天。鳥網不張水。飲啄要自然。何必空城裏。

隴頭水

借問隴頭水。年年恨何事。全疑嗚咽聲。中有征人淚。自古無長策。況我非深智。何計謝潺湲。一屑空不寐。

做玉臺體

青樓枕路隅。壁甃復椒塗。晚夢通簾柵。春寒逼酒罏。解吟憐芍藥。難見恨菖蒲。試問年多少。鄰姬亦姓胡。

巫山高

下壓重泉上千仞。香雲結夢西風緊。縱有精靈得往來。欲輓麗軒亦顛隕。嵐光雙雙雷隱隱。愁爲衣裳恨。爲髮暮灑朝行何所之。江邊日月情無盡。珠零冷露丹墮楓。細腰長臉愁滿宮。人生對面猶異同。況在千巖萬壑中。

江南行

江煙溼雨蛟綃軟。漠漠小山眉黛淺。水國多愁又有情。夜槽壓酒銀船滿。細絲搖柳凝曉空。吳王臺樹春夢中。鴛央鴻鵠喚不起。平鋪綠水眠東風。西陵路邊月悄悄。油碧輕車蘇小小。

芳樹

細萼慢逐風。暖香閃破鼻。青帝固有心。時時漏天意。去年高枝猶墮地。今年低枝已顛顛。吾所以見造化之權。變通之理。春夏作頭。秋冬爲尾。循環反覆無終已。人生長短同一軌。若使威可以制。力可以止。則秦皇不肯斂手下沙邱。孟賁不合低頭入蒿里。伊人強猛猶如此。顧我勞生何足恃。但願我開素抱傾綠蟻。陶陶兀兀大醉于清屑。白晝間任他上是天。下是地。

江南別

去年今夜江南別。鴛鴦翅冷飛蓬燕。今年今夜江北邊。鯉魚腸斷音書絕。男兒心事無了時。出門上馬不自知。

晚泊宿松 安慶府志

解纜隨江流。晚泊古淮岸。歸雲送春和。綵星麗雲漢。春深胡雁飛。人喧水禽散。仰君邈難親。沈思夜將旦。

錢塘遇默師憶潤州舊遊 見京口山三志

歌敲玉唾壺。醉擊珊瑚枝。石羊妙喜街。甘露平泉碑。捫苔想豪傑。剔蘚看文詞。歸來北固山。水檻光參差。

庭花

昨日芳豔濃。開尊幾同醉。今朝風雨惡。惆悵人生事。南威病不起。西子老兼至。向晚寂無人。相偃墮紅淚。

薛陽陶鬻築歌

平原上相東征日。曾爲陽陶歌鬻築。吳江太守會稽侯。相次三篇皆倭逸。橋山殯葬衣冠後。金印蒼黃南去疾。龍樓冷落夏口寒。從此風流爲廢物。人間至藝難得主。懷抱差池恨星律。邗溝僕射戎政閑。試渡瓜洲吐伊鬱。西風九月草樹秋。萬喧沈寂登高樓。左篋揭指徵羽吼。煬帝起坐淮王愁。高飄咽滅出滯氣。下感知己時橫流。穿空激遠不可遏。髣髴似向伊水頭。伊水林泉今已矣。因取遺編認前事。武宗皇帝御宇時。四海恬然知所自。掃除桀黠似提籌。制壓羣豪若穿鼻。九鼎調和各有門。謝安空儉眞兒戲。功高近代竟誰知。藝小似君猶不棄。勿惜暗鳴更一吹。與君共下難逢淚。

酬邱光庭

五月十一日書札。五月十六日到來。柳吟秦望咫尺地。鯉魚何處閉裴回。故人情意未疎索。次第序述眉
眼開。上言二年隔煙水。下有數幅真瓊瑰。行吟坐讀口不倦。瀑泉激射琅玕摧。壁池蘭蕙日已老。材酒醱
甲時幾楮。鶴齡鴻篇不復見。雨後蓑笠空莓苔。自從黃寇擾中土。人心波蕩猶未迴。趙殷合眼拜九列。張
濬掉舌升三台。朝廷濟濟百揆序。寧將對面容姦回。禍生有基妖有漸。翠華西幸蒙塵埃。三川梗塞兩河
閉。大明宮殿生蒿萊。懦夫早歲不量力。策蹇仰北高崔嵬。千門萬戶扃鎖密。良匠不肯雕散材。君今得意
尚如此。況我麋鹿悠悠哉。榮衰貴賤目所睹。莫嫌頭白黃金臺。

秋日懷孟夷庚

秋日黃陂下。孤舟憶共誰。江山三楚分。風雨二妃祠。知己秦貂沒。流年賈鵬悲。中原正兵馬。相見是何時。

秋江

秋江待晚潮。客思旆旌搖。細雨翻蘆葉。高風卻柳條。兵戈村落破。饑餒虎狼驕。吾土兼連此。離魂望裏消。

彬江遷客

不是逢清世。何由見皂囊。事雖危虎尾。名勝泊鷁行。毒霧彬江闊。愁雲楚驛長。歸時有詩賦。一爲弔沈湘。

寄陸龜蒙

龍樓李丞相。昔歲仰高文。黃閣尋無主。青山竟未焚。夜船乘海月。秋寺伴江雲。卻恐塵埃裏。浮名點汚君。

思故人

故人不可見。聊復拂鳴琴。鵲繞風枝急。螢藏露草深。平生四方志。此夜五湖心。惆悵友朋盡。洋洋漫好音。

感舊

紀事云。隱受知於令狐綯。此詩哭綯作。

劍佩孫宏閣。戈鋌太尉營。重言虛有位。孤立竟無成。邱隴笳簫咽。池臺歲月平。此恩何以報。歸處是柴荆。

寄蘇拾遺

早歲長楊賦。當年諫獵書。格高時輩伏。言數宦情疎。慷慨傳丹桂。艱難保舊居。退朝觀葉草。能望馬相如。

寄禮部鄭員外

樂郡門風大。裴王禮樂優。班資冠雞舌。人品壓龍頭。夜直爐香細。晴編疏草稠。近聞潘散騎。三十二悲秋。

菊

籬落歲云暮。數枝聊自芳。雪裁纖葉密。金拆小苞香。千載白衣酒。一生青女霜。春叢莫輕薄。彼此有行藏。

臺城

水國春常在。臺城夜未寒。麗華承寵渥。江令捧杯盤。宴罷明堂爛。詩成寶炬殘。兵來吾有計。金井玉鉤欄。

寄虔州薛大夫

祝融峰下別。三載夢魂勞。地轉南康重。官兼亞相高。海鵬終負日。神馬肯眠槽。會得窺成績。幽窗染兔毫。

寒食日早出城東

青門欲曙天。車馬已喧闐。禁柳搖風細。牆花拆露鮮。向誰誇麗景。只是歎流年。不得高飛便。迴頭望紙鳶。

秋日懷賈隨進士

邊寇日騷動。故人音信稀。長纓慙賈誼。孤憤憶韓非。曉匣魚腸冷。春園鴨掌肥。知君安未得。聊且示忘機。

秋日富春江行

遠岸平如翦。澄江靜似鋪。紫鱗仙客馭。金穎李衡奴。冷疊羣山闊。清涵萬象殊。嚴陵亦高見。歸臥是良圖。

寄侯博士

規諫揚雄賦。邇迺賈誼官。久貧還往少。孤立轉遷難。清鏡流年急。高槐旅舍寒。侏儒亦何有。飽食向長安。

送沈光侍御赴職閩中

未至應居右。全家出帝鄉。禮優逢苑雪。官重對臺霜。夜浦吳潮吼。春灘建水狂。延平有風雨。從此是騰驤。

商於驛與于蘊玉話別

南朝徐庾流。洛下憶同遊。酒採閑坊菊。山登遠寺樓。相思勞寄夢。偶別已經秋。還被青青桂。催君不自由。

封禪寺居

盛禮何由覩。嘉名偶寄居。周南太史淚。蠻徼長卿書。砌竹搖風直。庭花泣露疎。誰能賦秋興。千里隔吾廬。

錢

志士不敢道。貯之成禍胎。小人無事藝。假爾作梯媒。解釋愁腸結。能分睡眼開。朱門狼虎性。一半逐君回。

紅葉

不奈荒城畔。那堪晚照中。野晴霜浥綠。山冷雨催紅。遊子灞陵道。美人長信宮。等閑居歲暮。搖落竟無窮。

九江早秋

雨過晚涼生。樓中枕簟清。海風吹亂木。巖磬落孤城。百歲幾多日。四蹄無限程。西隣莫高唱。俱是別離情。

初夏寄顧紹宗

江上偶分袂。四回寒暑更。青山無路入。白髮滿頭生。郢浦雁尋過。鏡湖蟬又鳴。憐君未歸日。杯酒若爲情。

城西作

從軍無一事。終日掩空齋。道薄交游少。才疎進取乖。野禽鳴聒耳。庭草綠侵階。幸自同樗櫟。何妨愜所懷。

秋霽後

淨碧山光冷。圓明露點勻。渚蓮丹臉恨。堤柳翠眉顰。蟬已送行客。雁應辭主人。蠅蚊漸無況。日晚自相親。

茅齋

從事不從事。養生非養生。職爲尸祿本。官是受恩名。時態已相失。歲華徒自驚。西齋一卮酒。衰老與誰傾。

使者

使者衝中旨。崎嶇萬里行。人心猶未革。天意似難明。四海霍光第。六宮張奉營。陪臣無以報。西望不勝情。

遁跡

遁跡知安住。露襟欲奈何。朝廷猶禮樂。郡邑忍干戈。華馬憑誰問。胡塵自此多。因思漢明帝。中夜憶廉頗。

杜處士新居

翠斂王孫草。荒誅宋玉茅。寇餘無故物。時薄少深交。迸笋穿行徑。餓雛出壞巢。小園吾亦有。多病近來拋。

絕境

絕境非身事。流年但物華。水梳苔髮直。風引蕙心斜。凡客從題鳳。膚音未勝蛙。小船兼有槳。始與問漁家。

昇仙橋

危梁枕路歧。駐馬問前時。價自友朋得。名因婦女知。直須論運命。不得逞文詞。執戟君鄉里。榮華竟若爲。

姑蘇貞娘墓

春草荒墳墓。萋萋向虎邱。死猶嫌寂寞。生肯不風流。皎鏡山泉冷。輕裾海霧秋。還應伴西子。香逕夜深遊。

宿彭蠡館

孤館少行旅。解鞍增別愁。遠山矜薄暮。高柳怯清秋。病裏見時態。醉中思舊遊。所懷今已矣。何必恨東流。

螢

空庭夜未央。點點度西牆。抱影何微細。乘時忽發揚。不思因腐草。便擬倚孤光。若道能通照。車公業肯長。

早秋宿葉墮所居

池荷葉正圓。長歷報時殫。曠野雲蒸熱。空庭雨始寒。蠅蚊猶得志。簾席若爲安。浮世知誰是。勞歌共一權。

蛙

漢王刀筆精。寫爾逼天生。舞巧何妨急。飛高所恨輕。野田黃雀慮。山館主人情。此物那堪作。莊周夢不成。

春居

春風百卉搖。舊國路迢迢。偶病成疏散。因貧得寂寥。倚簾高柳弱。乘露小桃夭。春色常無處。村醪更一瓢。

輕颺

輕颺掠晚莎。秋物慘關河。戰壘平時少。齋壇上處多。楚雖屈子重。漢亦憶廉頗。不及雲臺議。空山老薜蘿。

燕

不必嫌漂露。何妨養羽毛。漢妃金屋遠。盧女杏梁高。野迴雙飛急。煙晴對語勞。猶勝黃雀在。棲息是蓬蒿。

除夜寄張達

梅花已著眼。竹葉況黏唇。只此留殘歲。那堪憶故人。亂離書不遠。衰病日相親。江浦思歸意。明朝又一春。

遣興

青雲路不通。歸計奈長蒙。老忍醫方誤。窮憂酒醜空。何堪罹亂後。更入是非中。長短遭譏笑。迴頭避釣翁。

寄大理寺徐郎中

佐棘竟誰同。因思證聖中。事雖忘顯報。理合有陰功。官序旣枝老。生涯范甑空。幾時潘好禮。重與話清風。

證聖中徐有功爲大理少卿執法
平恕鹿城主簿潘好禮著論美之

傷華髮

舊國迢迢遠。清秋種種新。已衰曾軫慮。初見忽沾巾。日薄梳兼懶。根危鑷恐頻。青銅不自見。只擬老他人。

倚棹

倚棹聽鄰笛。沾衣認酒罇。自緣悲巨室。誰復爲窮途。樹解將軍夢。城遺御史烏。直應齊始了。傾酌向寒蕪。

舊遊

良時不復再。漸老更難言。遠水猶經眼。高樓似斷魂。依依宋玉宅。歷歷長卿村。今日空江畔。相於只酒罇。

秋夕對月

夜月色可掬。倚樓聊解顏。未能分寇盜。徒欲滿關山。背冷金蟾滑。毛寒玉兔頑。姮娥謾偷藥。長短老中間。

秋晚

宰邑慚良術。爲文愧壯圖。縱饒長委命。爭奈漸非夫。杯酒有時有。亂離無處無。金庭在何處。迴首一踟蹰。

除夜

官歷行將盡。村醪強自傾。厭寒思暖律。畏老惜殘更。歲月已如此。寇戎猶未平。兒童不諳事。歌吹待天明。

雪霽

南山雪乍晴。寒氣轉崢嶸。纔卻閒門出。隨他駿馬行。一竿如有計。五鼎豈須烹。愁見天街草。青青又欲生。

冬暮城西晚眺

謬忝蓮花幕。虛沾柏署官。欹危長抱疾。衰老不禁寒。時事已日過。世途行轉難。千崖兼萬壑。只向望中看。

題元同先生草堂三首

閩邱方達有道術。隱餘杭大滌山。景福中吳越王奏請賜紫號。元同先生重建天柱宮。以唐一日作控鶴坐而逝。

杳杳諸天路。蒼蒼大滌山。景輿留不得。毛節去應閒。相府舊知己。教門新啓關。太平匡濟術。流落在人間。先生訣行日。曾奉數行書。意密尋難會。情深恨有餘。石橋春暖後。勾漏藥成初。珍重雲兼鶴。從來不定居。常時憶討論。歷歷事猶存。酒向餘杭盡。雲從大滌昏。往來無道侶。歸去有台恩。自此元言絕。長應閉洞門。

四頂山

見方輿勝覽。

勝景天然別。精神入畫圖。一山分四頂。三面瞰平湖。過夏僧無熱。凌冬草不枯。遊人來至此。願剃髮和鬚。

陝西晚思

長途已自窮。此去更西東。樹色榮衰裏。人心往返中。別情流水急。歸意故山空。莫忘交遊分。從來事一同。

旅夢

旅夢無遷次。窮愁有歎嗟。子鷺京口遠。粳米會稽賒。漏澁纔成滴。燈寒不作花。出門聊一望。蟾桂向人斜。

南康道中

弱冠負文翰。此中聽鹿鳴。使君延上榻。時輩仰前程。丹桂竟多故。白雲空有情。惟餘路傍淚。沾灑向塵纓。

靈山寺

晚景聊攄抱。憑欄幾蕩魂。檻虛從四面。江闊奈孤根。幽徑薜蘿色。小山苔蘚痕。欲依師問道。何處繫心猿。

雪中懷友人

臘酒復臘雪。故人今越鄉。所思誰把盞。端坐恨無航。兔苑舊遊盡。龜臺仙路長。未知鄒孟子。何以奉梁王。

期徐道者不至

遼鶴虛空語。冥鴻未易親。偶然來卽是。必擬見無因。霜霰窮冬冷。杯盤旅舍貧。只應蒞子訓。醉後懶分身。

途中逢劉知遠

吳楚煙波裏。巢由季孟間。只言無事貴。不道致身閒。別渚蓮根斷。歸心桂樹頑。空勞鍾璞意。塵世

亂後逢友人

滄海去未得。倚舟聊問津。生靈寇盜盡。方鎮改更頻。夢裏舊行處。眼前新貴人。從來事如此。君莫獨沾巾。

題方干詩

中間李建州。夏汭偶同遊。顧我論佳句。推君最上流。九霄無鶴板。雙鬢老漁舟。世難方如此。何當浣旅愁。

李建州類。

干門人也。

江夏酬高崇節

臘雪都堂試。春風汴水行。十年雖抱疾。何處不無情。羣盜正當路。此游應隔生。勞君問流落。山下已躬耕。

酬高崇節

舊遊雖一夢。別緒忽千般。敗草湯陵晚。衰槐楚寺寒。數奇常自愧。時薄欲何干。猶賴君相勉。慙慙貢禹冠。

寄制誥李舍人

梁王握豹韜。雪裏見枚臯。上客趁丹陛。游人歎二毛。門閒知待詔。星動想濡毫。一首長楊賦。應嫌索價高。

秋日寄狄浦闕

紅塵擾擾間。立馬看南山。漫道經年往。何妨逐日閒。病中霜葉赤。愁裏鬢毛斑。不爲良知在。驅車已出關。

寄金吾李孫常侍

西班牙禁兵。蘭綺最分明。曉色嚴天仗。春寒避火城。安危雖已任。韜略卽嘉聲。請問何功德。壺關寇始平。

寄易定公乘億侍御

侍御有明皇再見阿蠻舞及龍池柳賦時稱冠絕也。

謝舞仍宮柳。高奇世少雙。侍中生不到。園令死須降。班秩通烏府。尊鼻近碧幢。昭王有餘烈。試爲禱迷邦。

寄袁皓侍御

東堂失路枝。榮辱事堪悲。我寢牛衣弊。君居豸角危。風塵慚上品。才業媿明時。千里芙蓉幕。何由話所思。

寄徵士魏員外

嘉遁蘇門節。清貧粉署官。不矜朝命重。只恨路行難。窗曉雞談倦。庭秋蝶夢闌。羨君歸未得。還有釣魚竿。

寄剡縣主簿

金庭養真地。珠篆勾稽官。境勝堪長往。時危喜暫安。洞連滄海闊。山擁赤城寒。他日拋塵土。因君擬煉丹。

寄許融

文苑英華作與
于蘊玉話別

多病仍疎拙。唯君與我同。帝鄉年共老。江徼業俱空。燕冷辭華屋。蛩涼恨曉叢。白雲高幾許。全屬採芝翁。

秋寄張坤

庭樹已黃落。閉門俱寂寥。未知棲託處。空羨聖明朝。酒醒鄉心闊。雲晴客思遙。吾徒自多感。顏子只箪瓢。

初秋寄友人

九華曾屏跡。罹亂與心違。是處堪終老。新秋又未歸。疾中芳草歇。愁裏白雲飛。樵侶兼同志。音書近亦稀。

秋居有寄

端居湖岸東。生計有無中。覓處千般鬼。寒時百種風。性靈從道拙。心事奈成空。多謝金臺客。何當一笑同。

北固亭東望寄默師

高亭暮色中。往事更誰同。水漫矜天闊。山應到此窮。病憐京口酒。老怯海門風。惟有言堪解。何由見遠公。

送李右丞分司東城

分曹得洛川。讜議更昭然。左省曾批勅。中臺肯避權。所悲時漸薄。共賀老尤全。賈與清平代。相兼直幾錢。

蘇小小墓

魂兮構李城。猶未有人耕。好月當年事。殘花觸處情。向誰曾豔冶。隨分得聲名。應侍吳王宴。蘭橈暗送迎。

殘花

已歎良時晚。仍悲別酒催。暖芳隨日薄。鶻片逐風迴。黛歛愁歌扇。粧殘泣鏡臺。綠陰莫矜銜。終是共塵埃。

鷹

越海霜天暮。辭韜野草乾。俊通司隸職。嚴奉武夫官。眼惡藏鋒在。心羸逐物殫。近來脂膩足。驅遣不妨難。

鷺聲

井上梧桐暗。花間霧露稀。一枝晴復暖。百囀是兼非。金屋夢初覺。玉關人未歸。不堪閒日聽。因爾又沾衣。

堠子

終日路歧傍。前程亦可量。未能慚面黑。只是恨頭方。雅旨逾千里。高文近兩行。君知不識字。第一莫形相。

秋浦

晴川倚落暉。極目思依依。野色寒來淺。人家亂後稀。久貧身不達。多病意長違。還有漁舟在。時時夢裏歸。

寄洪正師

寄蹇渾成跡。經年滯杜南。價輕猶有二。足別已過三。雞肋曹公忿。猪肝仲叔慙。會應謀避地。依約近禪菴。

邊夜

光景漂如水。生涯轉似萍。雁門窮朔路。牛斗故鄉星。句盡人誰切。歌終淚自零。夜闌迴首算。何處不長亭。

哭張博士太常

前輩條云歿。媿君曾比方。格卑雖不稱。言重亦難忘。諫草猶青瑣。悲風已白楊。只應移理窟。泉下對真長。

早登新安縣樓

關城樹色齊。往事未全迷。塞路真人氣。封門壯士泥。草濃延蝶舞。花密教鶯啼。若以鳴為德。鸞皇不及雞。

題段太尉廟

近甸蒙塵日。南梁反正年。飄流茂陵椀。零落太官椽。建纛非降楚。披圖異錄燕。堪嗟侍中血。不及御衣前。

大梁見喬詡

湘水春浮岸。淮燈夜滿橋。六年悲梗斷。兩地各萍漂。刀筆依三事。篇章奏珥貂。跡卑甘汨沒。名散稱逍遙。好寺松為徑。空江桂作橈。野香花伴落。缸暖酒和燒。晉沼尋遊鳳。秦冠竟歎鴟。骨凡雞犬薄。魂斷蕙蘭招。悵望添燕瑄。蹉跎厭魯瓢。敗桐方委爨。冤匣正冲霄。戰代安釐國。宗封煮景朝。千年非有限。一醉解無聊。漏永燈花暗。爐紅雪片銷。久遊家共遠。相對鬢俱凋。運命從難合。光陰奈不饒。到頭蓑笠契。兩信釣魚潮。

投寄韋左丞

赤壁徵文聘中臺。拜郗說班資。參令僕。曹署轄星辰。襖被從誰起。持綱自此新。舉明朝典數。封納詔書頻。
禁樹曾擒藻。臺鳥舊避塵。便應酬倚注。何處活窮鱗。

省試秋風生桂枝

涼吹從何起。中宵景象清。漫隨雲葉動。高傍桂枝生。漠漠看無際。蕭蕭別有聲。遠吹斜漢轉。低拂白榆輕。
寥次工夫大。乾坤歲序更。因悲遠歸客。長望一枝榮。

聖真觀劉真師院十韻

簾下嚴君卜。窗間少室峰。攝生門已盡。混跡世猶逢。山藪師王烈。簪纓友戴顛。魚跳介象

見三國吳書十八卷注象字元則會稽人

有仙術

繪飯吐萬元蜂。紫飽垂新椹。黃輕墮小松。塵埃金谷路。樓閣上陽鐘。野耗鳶肩寄。仙書鳥爪封。支牀龜縱老。取箭鶴何慵。朋久曾羣念。閑來肯壓重。尙餘青竹在。試爲剪成龍。

送汝州李中丞十二韻

羣盜方爲梗。分符奏未寧。黃巾攻郡邑。白挺掠生靈。塵土周畿暗。瘡痍汝水腥。一兇雖剪滅。數縣尙凋零。理必資寬猛。謀須藉典刑。與能纜物論。慎選忽天庭。官品尊臺秩。山河擁福星。虎知應去境。牛在肯全形。舊政窮人瘼。新銜展武經。關防秋草白。城壁晚峰青。破膽期來復。迷魂想待醒。魯山行縣後。聊爲奠惟馨。

南園

搏擊路終迷。南園且灌畦。敢言逃俗態。自是樂幽棲。葉長春松闊。科圓早薤齊。雨霑虛檻冷。雪壓遠山低。竹好還成徑。桃夭亦有蹊。小窗奔野馬。閑甕養醅雞。水石心逾切。煙霄分已睽。病憐王猛奮。愁笑隗囂泥。澤國潮平岸。江村柳覆堤。到頭乘興是。誰手好提攜。

投浙東王大夫二十韻

越嶺千峰秀。淮流一派長。暫憑開物手。來展濟時方。舊跡蘭亭在。高風桂樹香。地清無等級。天闊任徊翔。塵尾談何勝。螭頭筆更狂。直曾批鳳詔。高已冠鵷行。嘯傲辭民部。雍容出帝鄉。趙堯推印綬。句踐與封疆。水占仙人吹。城留御史牀。嘉賓鄒潤甫。百辟賀知章。席煖飛鸚鵡。塵輕駐驢驢。夜歌珠斷續。晴舞雪悠揚。化向棠陰布。春隨棣萼芳。盛名韜不得。雄略晦彌彰。自愧三冬學。來窺數仞牆。感深惟刻骨。時去欲霑裳。想望魚燒尾。咨嗟鼠嚼腸。可能因蹇拙。便合老滄浪。題柱心猶壯。移山志不忘。深慙百般病。今日問醫王。

投宣武鄭尚書二十韻

漢代簪纓盛。梁園雉堞雄。物情須重德。時論在明公。族大踰開魏。神高本降嵩。世家唯蹇諤。官業卽清通。翰苑論思外。綸闈嘯傲中。健毫驚綵鳳。高步出冥鴻。履歷雖吾道。行藏必聖聰。絳霄無繫滯。浙水忽西東。庾監高樓月。袁郎滿座風。四朝存故事。兩地有全功。去才須展行。行道益隆。避權辭憲署。仗節出南宮。雁影相承接。龍圖共始終。自然須作礪。不必恨臨戎。幕下蓮花盛。竿頭禪佩紅。騎兒逢郭伋。戰士得文翁。人地應無比。簞瓢奈屢空。因思一枝桂。已作斷根蓬。往事應歸捷。勞歌且責躬。殷勤信陵館。今日自途窮。

全五代詩卷六十八

吳越

羅隱二

賀淮南節度盧員外賜緋

儉運高貴九霄聞。粲粲朱衣降五雲。驄馬早年曾避路。銀魚今日且從軍。御題綵服垂天眷。袍展花心透
縠紋。應笑當年老萊子。鮮華都自降明君。

清明日曲江懷友

君與田蘇卽舊遊。我於交分亦綢繆。二年隔絕黃泉下。盡日悲涼曲水頭。鷗鳥似能齊物理。杏花疑欲伴
人愁。寡妻稚子應寒食。遙望江陵一淚流。

曲江春感

江頭日暖花又開。江東行客心悠哉。高陽酒徒半彫落。終南山色空崔嵬。聖代也知無棄物。侯門未必用
非才。一船明月一竿竹。家住五湖歸去來。

皇陂

皇陂漱澗深復深。陂西下馬聊登臨。垂楊風輕弄翠帶。鯉魚日暖跳黃金。三月窮途無勝事。十年流水見

歸心輸他谷口鄭夫子。偷得閑名說至今。

牡丹花

似共東風別有因。絳羅高卷不勝春。若教解語應傾國。任是無情亦動人。芍藥與君爲近侍。芙蓉何處避芳塵。可憐韓令功成後。辜負穠華過此身。

黃河

莫把阿膠向此傾。此中天意固難明。解通銀漢應須曲。纔出崑崙便不清。高祖誓功衣帶小。仙人占斗客槎輕。三千年後知誰在。何必勞君報太平。

汴河

當時天子是閑遊。今日行人特地愁。柳色縱饒妝故國。水聲何忍到揚州。乾坤有意終難會。黎庶無情豈自由。應笑秦皇用心錯。謾驅神鬼海東頭。

西京崇德里居

進乏梯媒退又難。強隨豪貴帶長安。風從昨夜吹銀漢。淚擬何門落玉盤。拋擲紅塵應有恨。思量仙桂也無端。錦鱗賴尾平生事。卻被閑人把釣竿。

投所思

顛賴長安何所爲。旅魂窮命自相疑。滿川碧嶂無歸日。一榻紅塵有淚時。雕琢只應勞郢匠。膏肓終恐誤

秦醫浮生七十今三十。從此悽惶未可知。

經張舍人舊居

行塵不是昔時塵。謾向朱門憶侍臣。一榻已無開眼處。九泉應有愛才人。文餘吐鳳他年詔。樹想棲鸞舊日春。從此恩深轉難報。夕陽衰草淚沾巾。

雒城作

大鹵旌旗出洛濱。此中煙月已埃塵。更無樓閣尋行處。只有山川識舊人。早得鑄金誇范蠡。旋聞垂釣哭平津。舊遊難得時難遇。迴首空城百草春。

往年進士趙能卿嘗話金庭勝事見示敘

會稽詩客趙能卿。往歲相逢話石城。正恨故人無上壽。喜聞良宰有高情。山朝佐命層層聳。水接飛流步步清。兩火一刀罹亂後。會須乘興雪中行。

得宣州竇尚書書

曾逐旌旗過板橋。世途多難竟蓬飄。步兵校尉辭公府。車騎將軍憶本朝。醉裏舊遊還歷歷。病中衰鬢奈蕭蕭。遺簪墮履應留念。門客如今只下僚。

暇日有寄姑蘇曹使君兼呈張郎中郡中賓僚

嘉植陰陰覆劍池。此中能政動神祇。湖邊觀稼雨迎馬。城外犒軍風滿旗。融酒徒誇無算爵。儉違還少最

高枝珊瑚筆架眞珠履。曾和陳王幾首詩。

寄右省王諫議

耳邊要靜不得靜。心裏欲閑終未閑。自是宿緣應有累。可能時事更相關。魚慙張翰辭東府。鶴怨周顛負北山。看卻金庭芝朮老。又驅車入七人班。

送沈先輩歸送上嘉禮

青青月桂觸人香。白苧衫輕稱沈郎。好繼馬卿歸故里。況聞山簡在襄陽。盃傾別岸應須醉。花傍征車漸欲芳。擬把金錢贈嘉禮。不堪栖屑困名場。

春日葉秀才曲江

江花江草暖相隈。也向江邊把酒杯。春色惱人遮不得。別愁如瘴避還來。安排賤跡無良策。裨補明時望重才。一曲吳歌齊拍手。十年塵眼未曾開。

西京道德里

春樹團團夕結陰。此中莊鳥動悲吟。一枝丹桂未入手。萬里蒼波長負心。老去漸知時態薄。愁來唯願酒杯深。七雄三傑今何在。休爲閑人淚滿襟。

憶夏口

漢陽渡口蘭爲舟。漢陽城下多酒樓。當年不得盡一醉。別夢有時還重遊。襟帶可憐通塞雁。風煙只好狎

江鷗月明更想曾何處。吹笛橋邊木葉秋。

途中獻晉州孟中丞

太平天子念蒲東。又委星郎養育功。昔日隼旗辭闕下。今朝珠履在河中。樓移庾亮千山月。樹待袁宏一扇風。不及政成應入拜。晉州何足展清通。

感德敘懷寄上羅鄴王

舊業傳家有寶刀。近聞餘力更揮毫。腰間印佩黃金重。卷裏詩裁白雪高。讎罷嘉賓迎鳳藻。獵歸諸將問龍韜。分茅列土纔三十。猶擬迴頭睹錦袍。

送魏校書兼呈曹使君

亂罹無計駐生涯。又事東遊惜歲華。村店酒旗沾竹葉。野橋梅雨泊蘆花。讎書發跡官雖屈。負米安親路不賒。應見使君論世舊。埽門重得向曹家。

七夕

絡角星河茵蒼天。一家懽笑設紅筵。應傾謝女珠璣篋。盡寫檀郎錦繡篇。香帳簇成排窈窕。金鍼穿罷拜嬋娟。銅壺漏報天將曉。惆悵佳期又一年。

送臧漬下第謁竇鄜州

賦得長楊不直錢。卻來京口看鶯遷。也知絳灌輕才子。好謁尤常醉少年。萬里故鄉雲縹渺。一春生計淚

瀾洑多情柱史應相問。與話歸心正浩然。

送鄭州嚴員外

欲將刀筆潤王猷。東去先分聖主憂。滿扇好風吹鄭圃。一車甘雨別皇州。尚書積冷鴻聲晚。僕射陂寒樹影秋。從此文星在何處。武牢關外庾公樓。

衡陽泊木居士廟下作

烏噪殘陽草滿庭。此中枯木似人形。只應神物長爲主。未必浮槎卽有靈。八月風波飄不去。四時黍稷薦惟馨。南朝庾信無因賦。牢落祠前水氣腥。

鍾陵見楊秀才

孺亭滕閣少踟躕。三度南遊一事無。祗覺流年如鳥逝。不知何處有龍屠。雲歸洪井枝柯斂。水下章江氣色羸。賴得與君同此醉。醒來愁被鬼揶揄。

春日憶湖南舊遊寄盧校書

旅榜前年過洞庭。曾提刀筆事甘寧。搆筵離隔將軍幕。朱履頻窺處士星。恩重匣中孤劍在。夢餘江畔數峰青。金貂見服嘉賓散。回首昭邱一涕零。

春日獨遊禪智寺

樹遠連天水接空。幾年行樂舊隋宮。花開花謝還如此。人去人來自不同。楚鳳調高何處酒。吳牛蹄健滿

車風思量只合騰騰醉。煮海平陳一夢中。

后土廟

四海兵戈尙未寧。始於雲外學儀形。九天元女猶無聖。后土夫人豈有靈。一帶好雲侵鬢綠。兩層危岫拂眉青。章郎年少知何在。端坐思量太白經。

金陵夜泊

冷煙輕澹傍衰叢。此夕秦淮駐斷蓬。棲雁遠驚沾酒火。亂鷗高避落帆風。地銷王氣波聲急。山帶秋陰樹影空。六代精靈人不見。思量應在月明中。

上江州陳員外

寒江九派轉城樓。東下鍾陵第一州。人自中臺方貴盛。地從西晉卽風流。舊班久望鷓鴣煮。餘力猶聞虎夜浮。應恨屬官無健令。異時佳節阻閑遊。

廣陵開元寺閣上作

滿檻山川漾落暉。檻前前事去如飛。雲中雞犬劉安過。月裏笙歌煬帝歸。江盛海門帆散去。地吞淮口樹相依。紅樓翠幕知多少。長向東風有是非。

早春巴陵道中

遠雪亭亭望未銷。岳陽春淺似相饒。短蘆冒土初生笋。高柳偷風已弄條。波汎洞庭濱瀨健。谷連荆楚鬼

神妖中流菱唱泊何處。一隻畫船蘭作橈。

淮南送李司空朝覲

聖君宵旰望時雍。丹詔西來雨露濃。宣父道高休歎鳳。武侯才大本猶龍。九州似鼎終須負。萬物爲銅只待鎔。臘後春前更何事。便看經度奏東封。

廣陵春日憶池陽有寄

煙水濛濛接板橋。數年經歷駐征橈。醉凭曲檻波千頃。愁倚長亭柳萬條。別後故人冠獬豸。病來知己賞鷓鴣。清流夾宅千家住。會待閑乘一信潮。

春中湘中題岳麓寺僧舍

蟾宮虎穴兩皆休。來凭危欄送遠愁。多事林鶯還謾語。薄情邊雁不迴頭。春融只待乾坤醉。水闊深知世界浮。欲共高僧話心迹。野花芳草奈相尤。

出試後投所知

此日蓬壺兩日程。當時消息甚分明。桃須曼倩催方熟。橘待洪崖遣始行。島外音書應有意。眼前塵土漸無情。莫教更似山西鼠。嚙破愁腸恨一生。

湘南春日懷古

晴江春暖蘭蕙薰。鳧鷖冉冉鷗著羣。洛陽賈誼自無命。少陵杜甫偏有文。空闊遠帆遮落日。蒼茫野樹礙

歸雲松醪酒好昭潭靜。閑過中流一弔君。

金陵寄竇尙書

二年歧路有西東。長憶優游楚驛中。虎帳談高無客繼。馬卿官傲少人同。世危肯使依劉表。山好猶能憶謝公。此去此恩言不得。謾將閑淚對春風。

清溪江令公宅

蠻牋象管夜深時。曾賦陳宮第一詩。宴罷風流人不見。廢來蹤跡草應知。鶯憐勝事啼空巷。蝶戀餘香舞好枝。還有往年金甃井。牧童樵叟等閑窺。

鄭州獻盧舍人

海槎閑暇閩風輕。不是安流不肯行。難省露濃湯餅熟。鳳池煙暖詔書成。漁籌已合光儒夢。堯印何妨且治兵。會待兩都收復後。右圖儀表左題名。

酬黃從事懷舊見寄

舊遊不合到心中。把得君詩意亦同。水館酒闌清夜月。香街人散白楊風。長繩繫日雖難絆。辨口談天不易窮。世事自隨蓬轉在。思量何處是飛蓬。

錢尙父生日

大昴分光降斗牛。興唐宗社作諸侯。伊夔事業扶千載。韓白機謀冠九州。貴盛上持龍節鉞。延長應續鶴

春秋錦衣玉食將何報。更俟莊椿一舉頭。

送楊鍊師卻歸貞浩巖

宦途不復更經營。歸去東南任意行。別後幾回思會面。到來相見似前生。久居竹蓋知勤苦。舊業蓮峰想變更。爲謝佯狂吳道士。耳中時有鐵船聲。

覽晉史

張翰思吳中
鱸膾葦羹

齊王僚屬好男兒。偶覓東歸便得歸。滿目路歧拋似夢。一船風雨去如飛。盤擎紫線蓴初熟。箸撥紅絲鱸正肥。惆悵途中無限事。與君千載兩忘機。

春思

蕩漾春風淥似波。惹情搖恨去恹恹。燕翻永日音聲好。柳舞空城意緒多。蜀國暖迴溪峽浪。衛娘清轉遏雲歌。可憐戶外桃兼李。仲蔚蓬蒿奈爾何。

安陸贈徐礪

靈蛇橋下水聲聲。曾向橋邊話別情。一榻偶依陳太守。三年深憶禰先生。塵欺髮色非前事。火蕪蓬根有去程。還把餘杯重相勸。不堪秋色背鄖城。

寄鍾常侍

一從朱履步金臺。藥苦冰寒奉上台。峻節不由人學得。遠途終是自將來。風高漸展摩天翼。翰聳方呈構厦材。應笑樟亭舊同舍。九州無驗滿爐灰。

寄第五尊師

茗溪煙月久因循。野鶴衣裘獨繭綸。只說泊船無定處。不知攜手是何人。朱黃揀日囚尸鬼。青白臨時注腦神。欲訪先生問經訣。世間難得不由身。

寄西華黃鍊師

西華有路入中華。依約山川認永嘉。羽客昔時留篠簜。故人今又種烟霞。壇高已降三清鶴。海近應通八月槎。盛事兩般君總得。老萊衣服戴顛家。

送支使蕭中丞赴闕

八年刀筆到京華。歸去青冥路未除。今日風流卿相客。舊時基業帝王家。彤庭彩鳳雖添瑞。望府紅蓮已減花。從此常僚如有問。海邊麋鹿斗邊槎。

送人歸湘中兼寄舊知

青溪煙雨九華山。亂後應同夢寐間。萬里分飛休掩袂。兩旬相見且開顏。君依宰相貂蟬貴。我戀王門髮髮斑。爲謝伏波筵上客。幾時金印擬西還。

暇日感懷因寄同院吳蛻拾遺

璧池清秩訪燕臺。曾捧瀛洲札翰來。今日二難俱大夜。當時三幅謾高才。戲悲槐市便便箭。狂憶樟亭滿滿杯。猶幸小蘭同舍在。每因相見卽銜哀。

夏州胡常侍

百尺高臺勃勃州。大刀長戟漢諸侯。征鴻過盡邊雲闊。戰馬閑來塞草秋。國計已推肝膽許。家財不爲子孫謀。仍聞隴蜀由多事。深喜將軍未白頭。

贈先輩令狐補闕

中間聲跡早蕭然。阻避鈞衡過十年。碧海浪高終濟物。蒼梧雲好已歸天。花迎綵服離鶯谷。柳傍東風觸馬鞭。應念淒涼洞庭客。夜深雙淚憶漁船。

湖州裴郎中赴闕後投簡寄友生

錦帳郎官塞詔年。汀洲曾駐木蘭船。禰衡酒醒春瓶倒。柳惲詩成海月圓。歌聲遠山珠滴滴。漏催香燭淚漣漣。使君入拜吾徒在。宣室他時豈偶然。

秋日泊平望驛寄太常裴郎中

蘋洲重到杳難期。西倚郵亭憶往時。北海尊中常有酒。東陽樓上豈無詩。地清每負生靈望。官重方升禮樂司。聞說江南舊歌曲。至今猶自唱吳姬。

西塞山

吳塞當時指此山。吳郡亡後綠屏顏。嶺梅乍暖殘妝恨。沙鳥初晴小隊閑。波闊魚龍應混雜。壁危猿狖正
姦頑。會將一副寒蓑笠。來與漁翁作往還。

寄前戶部陸郎中

出馴桑雉入朝簪。蕭灑清名映士林。近日篇章欺白雪。早年詞賦得黃金。桂堂縱道探龍頷。蘭省何曾駐
鶴心。離亂事多人不會。酒濃花暖且閑吟。

其時兩族連戰連敗... 二十日... 兵士... 杭州... 杭州府...

杭州府志

其時兩族連戰連敗... 二十日... 兵士... 杭州... 杭州府...

杭州府志

其時兩族連戰連敗... 二十日... 兵士... 杭州... 杭州府...

杭州府志

其時兩族連戰連敗... 二十日... 兵士... 杭州... 杭州府...

杭州府志

其時兩族連戰連敗... 二十日... 兵士... 杭州... 杭州府...

杭州府志

其時兩族連戰連敗... 二十日... 兵士... 杭州... 杭州府...

全五代詩卷六十九

吳越

羅一隱三

京口見李侍郎

僂僂江柳欲矜春。鐵甕城邊見故人。屈指不堪言甲子。披風常記是庚申。別來且喜身俱健。亂後休悲業盡貧。還有杖頭沽酒物。待尋山寺話逡巡。

秋日酬張特元

病寄南徐兩度秋。故人依約亦揚州。偶因雁足思閑事。擬棹孤舟訪舊遊。風急幾聞江上笛。月明誰共酒家樓。平生意氣消磨盡。甘露軒前看水流。

登夏州城樓

塞城獵獵戍旗風。獨倚危樓恨望中。萬里山河唐土地。千年魂魄晉英雄。離心不忍聽邊馬。往事應須問塞鴻。好脫儒冠從校尉。一枝長戟六鈞弓。

水邊偶題

野水無情去不回。水邊花好爲誰開。只知事逐眼前去。不覺老從頭上來。窮似邱軻休歎息。達如周召亦

塵埃思量此理何人會。蒙邑先生最有才。

杜陵秋思

南望商於北帝都。兩堪棲託兩無圖。只聞斥逐張公子。不覺悲同楚大夫。巖畔早涼生紫桂。井邊疎影落高梧。一杯綠酒他年憶。瀝向清波寄五湖。

夜泊毘陵無錫縣有寄

草蟲幽咽露初圓。獨繫孤丹夜已闌。濁浪勢奔吳苑急。疎鐘聲徹惠山寒。愁催鬢髮凋何易。貧戀家鄉別漸難。他日親朋應大笑。始知書劍是無端。

桃花

暖觸衣襟漠漠香。閒梅遮柳不勝芳。數枝豔拂文君酒。半里紅欹宋玉牆。盡日無人疑悵望。有時經雨乍淒涼。舊山山下還如此。迴首東風一斷腸。

籌筆驛

拋擲南陽爲主憂。北征東討盡良籌。時來天地皆同力。運去英雄不自由。千里山河輕孺子。兩朝冠劍恨譙周。唯餘巖下多情水。猶解年年傍驛流。

重過隨州故兵部李侍郎恩知因抒長句

莊周高論伯牙琴。閑夜思量淚滿襟。四海共誰言近事。九原從此負初心。鷗翻漢浦風波急。雁下鄖溪霧

雨深慙媿蒼生還有意解歌襦袴至如今

寄南城韋逸人

杜甫詩中章曲花。至今無賴尙豪家。美人曉折露沾袖。公子醉時香滿車。萬里丹青傳不得。二年風雨恨無涯。羨他南澗高眠客。春去春來任物華。

梅花

吳王醉去十餘里。照野拂衣今正繁。經雨不隨山鳥散。倚風疑共路人言。愁憐粉豔飄歌席。靜愛寒香撲酒罇。欲寄所思無好信。爲人惆悵又黃昏。

和禪月大師見贈

高僧惠我七言詩。頓豁塵心展白眉。秀似谷中花媚日。清如潭底月圓時。應觀法界蓮千葉。肯折人間桂一枝。漂蕩秦吳十餘載。因循猶恨識師遲。

謁文宣王廟

晚來乘興謁先師。松柏淒淒人不知。九仞齋牆惟瓦礫。三間茅殿走狐狸。雨淋狀似悲麟泣。露滴還同歎鳳悲。儻使小儒名稍立。豈教吾道受栖遲。

代文宣王答

三教之中儒最尊。止戈爲武武尊文。吾今尙自披篋笠。你等何須讀典墳。釋氏寶樓侵碧漢。道家宮殿拂

青雲敢教顏閔英靈在。終不差他李老君。

寄進士盧休

半年池口恨萍蓬。今日思量已夢中。遊子馬蹄難重到。故人尊酒與誰同。山橫翠後千重綠。蠟想歌時一燼紅。從此客程君不見。麥秋梅雨徧江東。

送秦州從事

一枝何足解人愁。拋卻還隨定遠侯。紫陌紅塵今別恨。九衢雙闕夜同遊。芳時易失勞行止。良會難期且駐留。若到邊庭有來使。試批書尾話梁州。

秋日汴河客舍酬友人

梁宋追遊早歲同。偶然違別事皆空。年如流水催何急。道似危途動卽窮。醉舞且欣連夜月。狂吟還聚上樓風。煩君更枉騷人句。白鳳靈蛇滿袖中。

東歸

仙桂高高似有神。貂裘敝盡取無因。難將白髮期公道。不覺丹枝屬別人。雙闕往來慙請謁。五湖歸後恥交親。盈盤紫蟹千卮酒。添得臨歧淚滿巾。

篋中得故王郎中書

鳳里前年別望郎。丁寧唯恐滯吳鄉。勸疎杯酒知妨事。乞與書題作裹糧。萃鹿未能移海曲。縣花尋已落

河陽九原自此無因見。反覆遺蹤淚萬行。

逼試投所知

桃在仙翁舊苑傍。暖煙輕靄撲人香。十年此地頻偷眼。二月春風最斷腸。曾恨夢中無好事。也知囊裏有仙方。尋思仙骨真難得。始與回頭問玉皇。

徐寇南逼感事獻江南知己次韻

酒闌離思浩無窮。西望維揚憶數公。萬里飄零身未了。一家知獎意曾同。雲橫晉國塵應暗。路轉吳江信不通。今日便成盧子諒。滿襟珠淚墮霜風。

詠月

湖上風高動白蘋。暫延清景此逡巡。隔年違別成何事。半夜相看似故人。蟾向靜中矜爪距。兔隈明處弄精神。嫦娥老大應惆悵。倚泣蒼蒼桂一輪。

宿荊州江陵驛

西遊象闕媿知音。東下荆溪稱越吟。風動芰荷香四散。月明樓閣影相侵。閒欹別枕千般夢。醉送征帆萬里心。薜荔衣裳木蘭檝。異時煙雨好追尋。

江邊有寄

江邊舊業半彫殘。每軫歸心卽萬端。狂折野梅山店暖。醉吹村笛酒樓寒。只言聖代謀身易。爭奈貧儒得

路難同病同憂更何事。爲君提筆畫漁竿。

上雪川裴郎中

貴提金印出咸秦。瀟灑江城兩度春。一派水清疑見膽。數重山翠欲留人。望崇早合歸黃閣。詩好何妨戀白蘋。自是受恩心未足。卻垂雙翅羨吳均。

臨川投穆中丞

試將生計問蓬根。心委寒灰首戴盆。翅弱未知三島路。舌頑虛掉五侯門。嘯煙白狄沈高木。擣月清砧觸旅魂。家在碧江歸不得。十年魚艇長苔痕。

寄鄭補闕

夫子門前數仞牆。每經過處憶遊梁。路從青瑣無因見。恩在丹心不可忘。未必便爲讒口隔。只應貪草諫書忙。別來愁悴知多少。兩度槐花馬上黃。

姑蘇城南湖陪曹使君遊

水蓼花紅稻穗黃。使君蘭棹汎迴塘。倚風苕藻先開路。迎旆鳧鷖盡著行。手裏兵符神與術。腰間金印綵爲囊。少年太守勳庸盛。應笑燕臺兩鬢霜。

秋日有寄姑蘇曹使君

多病無因懼小舟。闔閭城下謁君侯。水寒不見雙魚信。風便唯聞五袴謳。早說用兵長暗合。近傳觀稼亦

閑遊須知謝奕依前醉。閒阻清談又一秋。

送章碣赴舉

萃鹿歌中別酒催。粉闌星彩動昭回。久經罹亂心應破。乍覩昇平眼漸開。願我昔年悲玉石。憐君今日蘊風雷。龍門盛事無因見。費盡黃金老隗臺。

寄楊祕書

湖水平來見鯉魚。偶因烹處得瓊瑤。披尋藻思千重後。吟想冰光萬里餘。漳浦病來情轉薄。赤城吟苦意何如。錦衣公子憐君在。十載兵戈從板輿。

得宣州竇尚書書因投寄

雙魚迢遞到江濱。傷感南陵舊主人。萬里朝臺勞寄夢。十年侯國阻趨塵。尋知亂後嘗辭祿。共喜閑來得養神。時見齊山敬亭客。不堪戎馬戰征頻。

雪

細玉羅紋下碧霄。杜門顏巷落偏饒。巢居只恐高柯折。旅客愁聞去路遙。擣凍野蔬和粉重。埽庭松葉帶酥燒。寒窗呵筆尋詩句。一片飛來紙上銷。

武牢關

楚人曾此限封疆。不見清陰六里長。一壑暮聲何怨望。數峰秋勢自顛狂。由來四皓須神伏。大抵秦皇謾

氣強欲學雞鳴試關吏。太平時節懶思量。

送進士臧漬下第後歸池州

賦成無處換黃金。卻向春風動越吟。天子愛才雖仄席。諸生多病又沾襟。柳攀灞岸狂遮袂。水憶池陽綠滿心。珍重綵衣歸正好。莫將閑事繫升沈。

湘中贈范鄖

丹桂無心彼此諳。二年疎嬾共江潭。愁知酒醴終難捨。老覺人情轉不堪。雲外鴛鴦非故舊。眼前膠漆似煙嵐。勞歌一曲霜風暮。擊折湘妃白玉簪。

渚宮秋思

楚城日暮煙靄深。楚人駐馬還登臨。襄王臺下水無賴。神女廟前雲有心。千載是非難重問。一江風雨好閑吟。欲招屈宋當時魄。蘭敗荷枯不可尋。

閑居早秋

槐杪清蟬煙雨餘。蕭蕭涼葉墮衣裾。噪槎烏散沈蒼嶺。弄杵風高上碧虛。百歲夢空悲峽蝶。一朝香死泣芙蓉。六宮誰買相如賦。團扇恩情日日疎。

送舒州宿松縣傅少府

江籬漠漠樹重重。東過清淮到宿松。縣好也知臨皖水。官閑應得看瀟峰。春生綠野吳歌怨。雪霽平郊楚

酒濃留取餘杯待張翰。明年歸棹一從容。

長安秋夜

遠聞天子似羲皇。偶捨漁鄉入帝鄉。五等列侯無故舊。一枝仙桂有風霜。燈歎短焰燒離髮。漏轉寒更滴旅腸。歸計未知身已老。九衢雙闕夜蒼蒼。

春晚寄鍾尚書

宰府初開忝末塵。四年談笑隔通津。官資肯便矜中路。酒醜還應憶故人。江畔舊遊秦望月。檻前公事鏡湖春。如今莫問西禪塢。一炷寒香老病身。

秋曉寄友人

洞庭霜落水雲秋。又汎輕漣任去留。世界高談今已得。宦途清貴舊曾遊。手中綵筆誇題鳳。天上泥封獎狎鷗。更見南來釣翁說。醉吟還上木蘭舟。

所思

梁王兔苑荆榛裏。煬帝雞臺夢想中。只覺惘然悲謝傅。未知何以報文翁。生靈不幸台星折。造化無情世界空。劃盡寒灰始堪歎。滿庭霜葉一窗風。

孫員外赴闕後重到三衢

遠山高樹思悠哉。重倚危樓盡一杯。謝守已隨徵詔入。魯儒猶逐斷蓬來。地寒謾憶移暄手。時急方知濟

世才宜室夜闌。如有問。可能全忘未然灰。

自湘川東下立春泊夏口阻風登孫權城

吳門此去逾千里。湘浦離來想數旬。只見風師長占路。不知青帝已行春。危憐壞堞猶遮水。狂愛寒梅欲傍人。事往時移何足問。且憑村酒暖精神。

和淮南李司空轉運員外

層層高閣舊瀛洲。此地須徵第一流。丞相近年綦倚望。重才今日喜遨遊。榮持健筆金黃貴。恨咽離筵管吹秋。誰繼伊臯送行句。梁王詩好郢人愁。

上鄂州韋尙書

往歲先皇馭九州。侍臣才業最風流。文窮典誥雖餘力。俗致雍熙盡密謀。蘭省換班青作綬。柏臺前引絳爲鞵。都緣未負江山興。開濟生靈拔一秋。

廣陵秋日酬進士臧漬見寄

驛西斜日滿窗前。獨凭秋欄思渺綿。數尺斷蓬漸故國。一輪清鏡泣流年。已知世事真徒爾。縱有心期亦偶然。空媿荀家好兄弟。雁來魚去是因緣。

秋日禪智寺見裴郎中題名寄章瞻

野寺疎鐘萬木秋。偶尋題處認名侯。官離南郡應閑暇。地勝東山想駐留。百竊濃膠成別夢。兩行垂露澌

羈愁。心知只有章公在。更對真蹤話舊遊。

江州望廬山

東南蒼翠何崔嵬。橫流一望幽抱開。影寒已令水底去。脚闊欲過湖心來。深處不唯容鬼怪。暗中兼恐有風雷。仙人往往今誰在。紅杏花香重首迴。

別池陽所居

黃塵初起此留連。火耨刀耕六七年。雨夜老農傷水旱。雪晴漁父共舟船。已悲世亂身須去。肯媿途危跡屢遷。卻是九華山有意。列行相送到江邊。

送內使周大夫自杭州朝貢

八都上將近平戎。便附輜軒奏聖聰。三接駕前朝覲禮。一函江表戰征功。雲間閬苑何時見。水底瑤池觸處通。知有殿庭餘力在。莫辭消息寄西風。

登瓦棺寺閣

下盤空跡上雲浮。偶逐僧行步步愁。暫憩已知須用意。漸來爭忍不回頭。煙中樹老重江晚。鐸外風輕四境秋。嬾指臺城更東望。鵲飛龍鬪盡荒邱。

九華山費徵君所居

草堂何處試徘徊。見說遺蹤向此開。蟾桂自歸三徑後。鶴書曾降九天來。白雲事跡依前在。青瑣光陰竟

不迴。盡夕爲君思曩日。野泉鳴咽路莓苔。

途中寄懷

不知何處是前程。合眼騰騰信馬中。兩鬢已衰時未遇。數峰雖在病相攔。塵埃鞏洛虛光景。詩酒江湖漫姓名。試哭軍門看誰問。舊來還似禰先生。

故洛陽公鎮大梁時隱得遊門下今之經歷事往人非聊抒所懷以傷以謝

孤舟欲泊思何窮。曾憶西來值雪中。珠履少年初滿座。白衣遊子也從公。狂拋賦筆琉璃冷。醉倚歌筵瑋瑁紅。今日斯文向誰說。淚碑棠樹兩成空。

隱嘗在江陵忝故中令白公叨蒙知遇今復重過渚宮感事悲身遂成長句

往歲鄴侯鎮渚宮。曾將清律暖孤蓬。才憐曼倩三冬後。藝許由基一箭中。言重不能輕薄命。地寒終是泣春風。鳳凰池涸台星折。迴首岐山憶至公。

商於驛樓東望有感

山川去接漢江東。曾伴隋侯醉此中。歌繞夜梁珠宛轉。舞嬌春席雪朦朧。棠遺善政陰猶在。蕙送哀聲事已空。惆悵知音竟難得。兩行清淚白楊風。

淮南送節度盧端公將命之汴州

端公嘗爲汴州相公從事

吹臺高倚圃田東。此處輶車事不同。珠履舊忝蕭相國。綵衣今佐晉司空。醉離淮甸寒星下。吟指梁園密雪中。到彼的知宣室語。幾時徵拜黑頭公。

淮南送司勳李郎中赴闕

中朝品秩重文章。雙筆依前賜望郎。五夜星辰歸帝座。半年樽俎奉梁王。南都水暖蓮分影。北極天寒雁著行。不必戀恩多感激。過淮應合見徵黃。

過廢江寧縣

王昌齡嘗尉此縣故吊之

縣前水色細鱗鱗。一爲夫君弔水濱。漫把文章矜後代。可知榮貴是他人。鶯偷舊韻還成曲。草賴餘吟盡解春。我亦有心無處說。等閑停棹似迷津。

燕昭王墓

戰國蒼茫難重尋。此中踪跡想知音。強停別騎山花晚。欲弔遺魂野草深。浮世近來輕駿骨。高臺何處有黃金。思量郭隗平生事。不殉昭王是負心。

干越亭

楚水蕭蕭多病身。強凭危檻送殘春。高城自有陵兼谷。流水那知越與秦。岸下藤蘿陰作怪。橋邊蚊蜃夜欺人。琵琶洲遠江村闊。迴首征途淚滿巾。

湘妃廟

劉表荒碑斷水濱。廟前幽草閉殘春。已將怨淚流斑竹。又感悲風入白蘋。八族未來誰北拱。四兇猶在莫南巡。九峰相似堪疑處。望見蒼梧不見人。

答宗人亮

崑崙水色九般流。飲卽神仙憩卽休。敢恨守株曾失意。始知緣木更難求。鶴原謾欲均餘力。鶴髮那堪問舊遊。遙望北辰當上國。羨君歸棹五諸侯。

姥山

臨塘古廟一神仙。繡幌花容色儼然。爲逐朝雲來此地。因隨暮雨不歸天。眉分初月湖中鑑。香散餘風竹上煙。借問邑人洗水事。已經秦漢幾千年。

岐王宅

朱邸平臺隔禁闈。貴遊陳跡尙依稀。雲低雍時祈年去。雨細長楊從獵歸。申白賓朋傳道義。應劉文彩寄音徽。承平舊物惟君盡。猶寫雕鞍伴六飛。

全五代詩卷七十

吳越

羅隱四

東歸途中作

松橘蒼黃覆釣磯。早年生計近年違。老知風月終堪恨。貧覺家山不易歸。別岸客帆和雁落。晚程霜葉向人飛。買臣嚴助精靈在。應笑無成一布衣。

寄張侍郎

衰羸豈合話荊州。爭奈思多不自由。無路重趨桓典馬。有詩曾上仲宣樓。塵銷別跡堪垂淚。樹拂他們懶舉頭。一種人間太平日。獨教零落憶滄洲。

建康

潮平遠岸草侵沙。東晉衰來最可嗟。庾舅已能窺帝室。王郎還是預人家。山寒老樹啼風曲。泉暖枯骸動芷芽。欲起九原看一徧。秦淮聲急日西斜。

經故洛陽城

敗垣危堞跡依稀。試駐羸驂弔落暉。跋扈以成梁冀在。簡書難問杜喬歸。由來世事須翻覆。未必餘才解

是非千載昆陽好功業。與君門下作恩威。

廣陵李僕射借示近詩因投獻

朝論國計暮論兵。餘力猶隨鳳藻生。語繼盤盂拋俗格。氣兼河岳帶商聲。閑尋綺思千花麗。靜想高吟六義清。天柄已持堯典在。更堪回首問緣因。

三衢哭孫員外

燕戀雕梁馬戀軒。此心從此更何言。直將塵外三生命。未敵君侯一日恩。紅蠟有時還入夢。片帆何處獨銷魂。忍看明發衣襟上。珠淚痕中見酒痕。

所思

西上青雲未有期。東歸滄海一何遲。酒闌夢覺不稱意。花落月明空所思。長恐病侵多事日。可堪貧過少年時。鬪雞走狗五陵道。惆悵輸他輕薄兒。

自貽

衰老應難更進趨。藥畦經卷自朝晡。縱無顯效亦藏拙。若有所成甘守株。漢武巡遊虛軋軋。秦皇吞併謾驅驅。如何只見丁家鶴。依舊遼東歎綠蕪。

暇日投錢尙父

牛斗星邊女宿間。棟梁虛敞麗江關。望高漢相東西閣。名重淮王大小山。醴設鬪傾金鑿落。馬歸爭撼玉

連環自慙麋鹿無能事。未報深恩鬢已斑。

感別元帥尙父

玉函瑤檢下台司。記得當時捧領時。半壁龍蛇蟠造化。滿筐山岳動神祇。疲牛舐犢心猶切。陰鶴鳴雛力已衰。稚子不才身抱疾。日窺貞跡淚雙垂。

戊鏡云。此隱以子爲托也。隱子名恁翁善畫羊。

魏城逢故人

一年兩度錦江遊。前值東風後值秋。芳草有情皆礙馬。好雲無處不遮樓。山將別恨和心斷。水帶離聲入夢流。今日因君試回首。澹煙喬木隔綿州。

遊江夏口

醉別江東酒一杯。往年曾此駐塵埃。魚聽建業歌聲過。水看瞿塘雪影來。黃祖不能容賤客。費禕終是負仙才。平生膽氣平生恨。今日江邊首懶迴。

黃鶴驛寓題

野雲芳草繞離鞭。敢對青樓倚少年。秋色未催榆塞雁。人心先下洞庭船。高歌酒市非狂者。大嚼屠門亦偶然。車馬同歸莫同恨。古人頭白盡林泉。

魏博羅令公附卷有迴二首

寒門雖得在，諸宗棲北巢。南恨不同馬，上固慙消髀肉。幄中由羨愈，頭風蹉跎歲月心。仍切迢遼江山夢未通，深荷吾宗有知己。好將刀筆爲英雄，敢將衰弱附強宗。細算還緣血脈同，湘浦煙波無舊跡。鄴都蘭菊有遺風，每憐揮亂書猶達。所恨雲泥路不通，珍重珠璣兼繡段。草元堂下寄揚雄。

病中上錢尙父

左腳方行右臂攣，每慚名跡污賓筵。縱饒吳土容衰病，爭奈燕臺費料錢。藜杖已乾難更把，竹巖雖在不堪懸。深恩重德無言處，迴首浮生淚泫然。

經故友所居

槐花漠漠向人黃，此地追遊跡已荒。清論不知莊叟達，死交空歎趙岐忙。病來未忍言閑事，老去唯知覓醉鄉。日暮街東策羸馬，一聲橫笛似山陽。

大梁從事居汜水

前年帝里望行塵，記得仙家第四人。泉煖舊諳龍偃息，露寒初見鶴精神。歌聲上榻梁園晚，夢遶殘鐘汜水春。知有篋中編集在，只應從此是經綸。

寄酬鄴王羅令公四首

營室東迴籟斥邱，少年承襲擁青油。坐調金鼎尊明主，橫把瑠戈拜列侯。書札二王爭巧拙，篇章七子避

風流西園舊跡今應在。衰老無因奉勝遊。
脈散源分歷幾朝。縱然官宦只卑僚。正憂未派淪滄海。忽見高枝拂絳霄。十萬貔貅趨玉帳。三千賓客珥金貂。良時難得吾宗少。應念寒門更寂寥。
水雲開霽立高亭。依約黎陽對福星。只見篇章矜鏤管。不知勳業柱青冥。早緣入夢金方礪。晚爲傳家鼎始銘。鶴髮四垂煙閣遠。此生何處拜儀形。
錦笈朱囊連復連。紫鸞飛下浙江邊。綃從海室奪煙霧。樂奏帝宮勝管弦。長笑應劉悲顯達。每嫌伊霍少詩篇。戴灣老圃根基薄。虛費工夫八十年。

春日投錢塘元帥尙父

正憂衰老辱金臺。敢望昭王顧問來。門外旌旗屯豹虎。壁間章句動風雷。三都節已聯翩降。兩地花應次第開。若比紫髯分鼎足。未聞餘力有瓊瓌。

征東幕府十三州。敢望非才忝上游。官秩已叨吳品職。姓名兼顯魯春秋。鹽車顧後聲方重。火井窺來焰始浮。一句黃河千載事。麥城王粲謾登樓。

吳越備史云。隱隆疾。王親臨撫問。因題其壁云。黃河信有澄清日。後代應難繼此才。隱因續此。

錢塘府亭

新恩別啓館娃宮。還拜吳王向此中。九牧土田周制在。兩藩茅社漢儀同。春生舊苑芳洲雨。香入高臺小

徑風更有寵光人未見。問安調膳盡三公。

題袁溪張逸人所居

蒲梢獵獵燕差差。數里溪光日落時。芳樹文君機上錦。遠山孫壽鏡中眉。雞窗夜靜開書卷。魚檻春深展釣絲。若使浮名拘絆得。世間何處有男兒。

關亭春望

關畔春雲拂馬頭。馬前春事共悠悠。風欺岸柳長條困。露裊山花小朵愁。信越功名高似狗。裴王氣力大於牛。未知至竟將何用。渭水涇川一向流。

寄韋瞻

石城篋笠阻心期。落盡山花有所思。羸馬二年蓬轉後。故人何處月明時。風催曉雁看看別。雨脅秋蠅漸漸癡。禪智闌干市橋酒。縱然相見只相悲。

雪溪晚泊寄裴庶子

溪風如扇雨如絲。閑步閑吟柳惲詩。杯酒疎狂非曩日。野花狼籍似當時。道窮謾有依劉感。才急應無借寇期。滿眼雲山莫相笑。與君俱是受深知。

送姚安之赴任秋浦

官罷春坊地象雷。片帆高指貴池開。五侯水暖魚鱗去。九子山晴雁敍來。江夏黃童徒逞辯。廣都龐令恐

非才到頭稱意須年少。贏得時光向酒杯。

塞外

塞外偷兒塞內兵。聖君宵旰望升平。碧幢未作朝廷計。白挺猶驅婦女行。可使禦戎無上策。只應憂國是虛聲。漢王第宅秦田土。今日將軍已自榮。

詠史

蠹簡遺編試一尋。寂寥前事似如今。徐陵筆硯珊瑚架。趙勝賓朋瑋瑋簪。未必片言資國計。只應邪說動人心。九原郝泚何由起。虛誤西蕃八尺金。

中元夜泊淮口

木葉迴飄水面平。偶因孤棹已三更。秋涼霧露侵燈下。夜靜魚龍逼岸行。欹枕正牽題柱思。隔樓誰轉遶梁聲。錦帆天子狂魂魄。應過揚州看月明。

送溪州使君

兵寇傷殘國力衰。就中南土藉良醫。鳳啣泥詔辭丹闕。鵬倚霜風上畫旗。官職不須輕遠地。生靈只是計臨時。灞橋酒醴黔巫月。從此江心兩地悲。

送雪川鄭員外

明時塞詔列分麾。東擁朱輪出帝畿。銅虎貴提天子印。銀魚榮傍老萊衣。歌聽茗塢春山暖。詩詠蘋州暮

飛。知有掖垣南步在。可能須待政成歸。

蓮塘驛

蓮塘館東初日明。蓮塘館西行人行。隔林啼鳥似相應。當路好花疑有情。一夢不須追往事。數杯猶可慰勞生。莫言來去只如此。君看鬢邊霜幾莖。

甘露寺火後

六朝勝事已塵埃。猶有閒人恨望來。只道鬼神能護物。不知龍象自成灰。犀慚水府渾非怪。燕說吳宮未是災。還識平泉故侯否。一生蹤跡此樓臺。

春日登上元石頭故城

萬里傷心極目春。東南王氣只逡巡。野花相笑落滿地。山鳥自憐啼傍人。謾道城池須險阻。可知豪傑亦埃塵。太平寺主惟輕薄。卻把三公與賊臣。

中元甲子以辛丑駕幸蜀四首

子儀不起渾城亡。西幸誰人從武皇。四海爲家雖未遠。九州多事竟難防。已聞旰食思眞將。會待收遊致假王。應感兩朝巡狩跡。綠槐端正驛荒涼。爪牙柱石兩俱銷。一點榆塵九土搖。敢恨甲兵爲棄物。所嗟流品誤清朝。幾時越算殲張角。何處愚人戴隗囂。跪望巉山重啓告。可能餘烈不勝妖。

邪氣奔屯瑞氣移。清平過盡到艱危。縱饒犬彘無常理。不奈豺狼幸此時。九廟有靈思李令。三川悲憶恨張儀。可憐一曲還京樂。重對紅蕉教蜀兒。白丁攘臂犯長安。翠輦蒼黃路屈盤。丹鳳有情塵外遠。玉龍無跡渡頭寒。靜憐貴族謀身易。危惜文皇創業難。不將不侯何計是。釣魚船上淚闌干。

題潤州妙善前石羊

傳云吳主孫權與蜀主劉備嘗此置會云。

紫髯桑蓋此沈吟。狠石猶存事可尋。漢鼎未安聊把手。楚醪雖滿肯同心。英雄已往時難問。苔蘚何知日漸深。還有市廛沽酒客。雀喧鳩聚話蹄涔。

臺城

晚雲陰映下空城。六代纍纍夕照明。玉井已乾龍不起。金甌雖破虎曾爭。亦知霸世才難得。卻是蒙塵事最平。深谷作陵山作海。茂宏流輩莫傷情。

甘露寺看雪上周相公

篩寒灑白亂溟濛。禱請功兼造化功。光薄乍迷京口月。影交初轉海門風。細黏謝客衣裾上。輕墮梁王酒醴中。一種爲祥君看取。半釀災沴半年豐。

村橋

村橋酒旆月明樓。偶逐漁舟繫葉舟。莫學魯人疑海鳥。須知莊叟惡犧牛。心寒已分灰無焰。事往曾將水共流。除卻思量太平在。肯拋疎散換公侯。

金陵思古

杜秋在時花解言。杜秋死後花更繁。柔姿曼態葬何處。天紅膩白愁荒原。高洞紫簫吹夢想。小窗殘雨溼精魂。綺筵金縷無消息。一陣征帆過海門。

送王使君赴蘇臺

東南一望可長吁。猶憶王孫領虎符。兩地干戈連越絕。數年麋鹿臥姑蘇。疲忙賦重全家盡。舊族兵侵大半無。料得伍員兼旅寓。不妨招取好揮榆。

憶九華

九華巉峭廕柴扉。長憶前時此息機。黃菊倚風村酒熟。綠蒲低雨釣魚歸。干戈已是三年別。塵土那堪萬事違。回首佳期恨多少。夜闌霜露又霑衣。

吳門晚泊寄句曲道友

采香徑在人不留。采香徑下停葉舟。桃花李花鬪紅白。山鳥水鳥自獻酬。十萬梅銷空寸土。三分孫策竟荒邱。未知到了關身否。笑殺雷平許遠遊。

貴池曉望

稂莠參天剪未平。且乘孤櫂且行行。計疎狡兔無三窟。羈甚賓鴻欲一生。合眼亦知非本意。傷心其奈是多情。前溪好泊誰爲主。昨夜沙禽占月明。

送丁明府赴紫溪任

金徽玉軫肯躊躇。偶滯良途半月餘。樓上酒闌梅折後。馬前山好雪晴初。樂公社在憐鄉樹。潘令花繁賀版輿。縣譜莫辭留舊本。異時量度更何如。

寄前宣州竇常侍

往年西謁謝元暉。罇酒留歡醉始歸。曲檻柳濃鶯未老。小園花暖蜨初飛。噴香瑞獸金三尺。舞雪佳人玉一圍。今日亂離尋不得。滿蓑風雨釣魚磯。

送光祿崔卿赴闕

一年極目望西轅。此日慇懃聖主恩。上國已留虞寄命。中朝應聽范注言。官從府幕歸卿寺。路向干戈見禁門。鷓侶寂寥曹署冷。更堪嗚咽問田園。

定遠樓

前年上將定妖氛。曾築巖城駐大軍。近日關防雖弛柝。舊時欄檻尙侵雲。蠻兵績盛人皆伏。坐石名高世共聞。唯恐亂來良吏少。不知誰解敍功勳。

江南寄所知周僕射

曾陪公子醉西園。峴首碑前事嬾言。世亂共嗟王粲老。時危俱受信陵恩。潮憐把釀吟江徼。雨憶凭闌望海門。飛蓋寂寥清宴罷。不知簪履更誰存。

江都

淮王高譟動江都。曾憶長生亦坐隅。九里樓臺牽翡翠。兩行鴛鴦踏真珠。歌聽麗句秦雲咽。詩轉新題蜀錦鋪。惆悵晉陽星拆後。世間兵革地荒蕪。

送張綰游鍾陵

南憶龍沙兩岸行。當時天下尚清平。醉眠野寺花方落。吟倚江樓月欲明。老去亦知難重到。亂來爭肯不牽情。西山十二真人在。從此煩君語姓名。

息夫人廟

百雉摧殘連野青。廟門猶見昔朝廷。一生雖抱楚王恨。千載終爲息地靈。蟲網翠環終縹緲。風吹寶瑟助微冥。玉顏渾似羞來客。依舊無言照畫屏。

漂母塚

寂寞荒墳一水濱。蘆洲絕島自相親。青娥已落淮邊月。白骨甘爲泉下塵。原上荻花飄素髮。道傍菰葉碎羅巾。雖然寂寞千秋魄。猶是韓侯舊主人。

扇上畫牡丹

爲愛紅芳滿砌堦。教人扇上畫將來。葉隨彩筆參差長。花逐輕風吹第開。閑挂幾曾停蚊虻。頻搖不怕落莓苔。根生無地如仙桂。疑是姮娥月裏栽。

虛白堂前牡丹相傳云太傅手植在錢塘

欲詢往事奈無言。六十年來託此根。香暖幾飄袁虎扇。格高長對孔融樽。曾憂世亂陰難合。且喜春殘色尚存。莫背闌干便相笑。與君俱受主人恩。

第五將軍于餘杭天柱宮入道因題寄

交梨火棗味何如。聞說苕川已下車。瓦榼尙攜京口酒。草堂應寫潁陽書。亦知得意須乘鶴。未必忘機便釣魚。卻恐武皇還望祀。軟輪徵入問元虛。

寄無相禪師

老住西峰第幾層。爲師回首憶南能。有緣有相應。非佛無我無人始。是僧爛椹作袍名。復利鑠金爲講愛。兼憎何如一柄塵埃外。日日香煙夜夜燈。

丁亥歲作

病想醫門渴望梅。十年心地僅成灰。早知世事長如此。自是孤寒不合來。谷畔氣濃高蔽日。蟄邊聲暖乍聞雷。滿城桃李君看取。一一還從舊處開。

北邙山

一種山前路入秦。高山堪愛此傷神。魏明未死虛留意。莊叟雖生酌滿巾。何必更尋無主骨。也知曾有弄權人。羨他綠嶺吹簫客。閑訪雲頭看俗塵。

東歸別所知

芙蓉宮闕二妃壇。兩處因依五歲寒。鄒律有風吹不變。郗枝無分住應難。愁心似火還燒髮。別淚非珠謾落盤。卻羨淮南好雞犬。也能終始逐劉安。

旅舍書懷寄所知

簾卷兩牀琴瑟秋。暫憑前計奈相尤。塵飄馬尾甘蓬轉。酒憶江邊有夢留。隋帝舊祠雖寂寞。楚妃清唱亦風流。可憐別恨無人見。獨背殘陽下寺樓。

西京道中

半夜秋聲觸斷蓬。百年身事算成空。禰生詞賦拋江夏。漢祖精靈憶沛中。未必他時能富貴。只應從此見窮通。邊禽隴水休相笑。自有滄洲一棹風。

粉

每持纖白助君時。霜自無慳雪自疑。郎若姓何應解博。女能窺宋不勞施。妝成麗色唯花妬。落盡啼痕只鏡知。最好玉京仙署裏。更和秋月照瓊枝。

贈漁翁

葉艇悠揚鶴髮垂。生涯空托一綸絲。是非不向眼前起。寒暑任從波上移。風濤長歌秋月裏。夢和春雨晝眠時。逍遙此意誰人會。應有青山忙水知。

下第寄張坤

謾費精神掉五侯。破琴孤劍是身籌。九衢雙闕擬何去。玉壘銅梁空舊遊。蝴蝶有情牽晚夢。杜鵑無賴伴春愁。思量不及張公子。經歲池江倚酒樓。

東歸別常修

六載辛勤九陌中。卻尋歸路五湖東。名慙桂苑一枝綠。繪憶松江兩筴紅。浮世到頭須適性。男兒何必盡成功。唯慙鮑叔深知我。他日蒲帆百尺風。

言

圭玷由來尚可磨。似簧終日復如何。成名成事皆因憤。亡國亡家只爲多。須信禍胎生利口。莫將譏思逞懸河。猩猩鸚鵡無端解。長向人間被網羅。

晚眺

凭古城邊眺晚晴。遠村高樹轉分明。天如鏡面都來靜。地似人心總不平。雲向嶺頭閑不徹。水流溪裏太綠生。誰人得及莊居老。免被榮枯寵辱驚。

全五代詩卷七十一

吳越

羅隱五

寄處默師

甘露卷簾看雨腳。樟亭倚柱望潮頭。十年顧我醉中過。兩地與師方外遊。久隔兵戈常寄夢。近無書信更堪憂。香爐烟靄虎溪月。終棹鐵船尋惠休。

經耒陽杜工部墓

紫菊馨香覆楚醪。奠君江畔雨蕭騷。旅魂自是才相累。閑骨何妨塚更高。驟驥喪來空蹇蹶。芝蘭衰後長蓬蒿。屈原宋玉鄰君處。幾駕青螭緩鬱陶。

昇平公主舊第

乘鳳仙人降此時。玉篇纔罷到文詞。兩輪水磑光明照。百尺鮫綃換好詩。帶礪山河今盡在。風流罇俎見無期。壇場客散香街暝。惆悵齊竽取次吹。

寄黔中王從事

故人刀筆事軍書。南轉黔江半月餘。別後鄉關情幾許。近來詩酒興何如。貪將醉袖矜鶯谷。不把瑤絨附

鯉魚今日舉觴君莫問。生涯牢落鬢蕭疎。

寄徐濟進士

往年疎懶共江湖。月滿花香記得無。霜壓楚蓮秋後折。雨催蠻酒夜深酤。紅塵偶別迷前事。丹桂相傾媿後徒。出得函關抽得手。從來不及阮元瑜。

寄喬逸人

南經湘浦北揚州。別後風帆幾度游。春酒誰家禁爛熳。野花何處最淹留。欲憑尺素邊鴻嬾。未定雕梁海燕愁。長短此行須入手。更饒君占一年秋。

表庶子除太僕卿因賀

楚娃班序未爲輕。莫惜良途副聖明。宮省舊推皇甫謐。寺曹今得夏侯嬰。秩隨科第臨時貴。官逐簪裾到處清。應笑馬安虛巧宦。四迴遷轉始爲卿。

寄池州鄭員外

默透朱輪酒滿船。郡城蕭灑貴池邊。衣同萊子曾分筆。扇似袁宏別有天。九點好山樓上客。兩行高柳雨中煙。陵陽百姓將何福。社舞村歌又一年。

歸夢

陸海波濤漸漸深。一迴歸夢抵千金。路傍草色休多事。牆外鶯聲肯有心。日晚向隅悲斷梗。夜闌澆酒哭

知音貪財敗陣誰相悉。鮑叔如今不可尋。

酬寄右司李員外

當年憶見桂枝春。自此清途未四旬。左省望高推健筆。右曹官重得名人。閑攜麗藻嫌秋興。靜獵遺編笑過秦。猶把隨和向泥滓。應憐疎散任天真。

送宣武徐巡官

傲睨公卿二十年。東來西去只悠然。白知關畔元非馬。元覺壺中別有天。漢帝詔銜應異日。梁王風雪是初筵。臨行不惜刀圭便。愁殺長安買笑錢。

冬暮寄裴郎中

曉髮星星入鏡宜。早年容易近年悲。敢言得事時將晚。只恐酬恩日漸遲。南國傾心應望速。東堂開口欲從誰。仙郎舊有黃金約。瀝膽隳肝更禱禱。

登宛陵條風樓寄竇常侍

亂罹時節懶登臨。試借條風半日吟。只有遠山含暖律。不知高閣動歸心。溪喧晚棹千聲浪。雲護寒郊數丈陰。自笑疎慵似麋鹿。也教臺上費黃金。

寄京闕陸郎中昆仲

柏臺蘭署四周旋。賓榻何妨雁影連。纔見玳簪欹細柳。便知油幕勝紅蓮。家從夙洛聲名大。跡爲依劉事

分偏爭奈亂。擢人漸少。麥城新賦許誰傳。

送顧雲下第

行行杯酒莫辭頻。怨歎勞歌兩未伸。漢帝後宮猶識字。楚王前殿更無人。年深旅舍衣裳敝。潮打村田活計貧。百歲都來多幾日。不堪相別又傷春。

送劉校書之新安寄吳常侍

野雲如火照行塵。會續溪邊去問津。才子省銜非幕客。楚君科第是同人。狂思下國千場醉。病負東堂兩度春。他日酒筵應見問。鹿裘漁艇隔朱輪。

官池秋夕

池邊月影閑婆娑。池上醉來成短歌。芙渠抵死怨珠露。蟋蟀苦口嫌金波。往事向人言不得。舊遊臨老恨空多。松醪作酒蘭爲棹。十載煙塵奈爾何。

奉使宛陵別二三從事

梁王雪裏有深知。偶別家鄉隔路歧。官品共傳勝曩日。酒杯爭肯忍當時。豫章地暖矜千尺。越嶠天寒愧一枝。還有釣魚蓑笠在。不堪風雨失歸期。

送裴饒歸會稽

金庭路指剡川隈。珍重良朋自此來。兩鬢不堪悲歲月。一卮猶得話塵埃。家通曩分心空在。世逼橫流眼

未開笑殺山陰雪中客。等閑乘興又須回。

送程尊師之晉陵

棟間雲出認行軒。郊外陰陰夏木繁。高道乍爲張翰侶。使君兼是世龍孫。溪含句句清連底。酒貰餘杭綠滿樽。莫見時危便乘興。人來何處不桃源。

寄崔慶諒

故人何處又留連。月冷風高鏡水邊。文陣解圍纔昨日。醉鄉分袂已三年。交情澹泊應長在。俗態流離且勉旃。還擬山陰一乘興。雪寒難得渡江船。

寄楊祕書

蕭蕭檐雪打窗聲。因憶江東阮步兵。兩信海潮書不達。數峯稽嶺眼長明。梅綵幾處垂鞭看。酒好何人倚檻傾。會待與君開秫甕。滿船般載鏡中行。

酬章處士見寄

中原甲馬未曾安。今日逢君事萬端。亂後幾回鄉夢隔。別來何處路行難。霜鱗共落三門浪。雪鬢同歸七里灘。何必新詩更相戲。小樓吟罷暮天寒。

秦望山僧院

巉巖危岫倚滄州。聞說秦皇亦此遊。霸主卷衣纔二世。老僧傳錫已千秋。陰崖水賴松梢直。蘚壁苔侵畫

像愁。各是病來俱未了。莫將煩惱問湯休。

寄程尊師

鶴信雖然到五湖。煙波迢遞路崎嶇。玉書分薄花生眼。金鼎功遲雪滿鬚。三秀紫芝勞夢寐。一番紅槿恨朝晡。未知朽敗凡間骨。中授先生指教無。

送程尊師東遊有寄

華蓋峰前擬卜耕。主人無奈又閑行。且憑鶴駕尋滄海。又恐犀軒過赤城。絳簡便應朝右弼。紫旄兼合見東卿。勸君莫忘歸時節。芝似螢光處處生。

江亭別裴饒

行杯且待怨歌終。多病憐君事事同。衰鬢別來光景裏。故鄉歸去亂罹中。乾坤蟄裂三分在。井邑摧殘一半空。日晚長亭問西使。不堪車馬向萍蓬。

錢唐見芮逢

蔡倫池北雁峰前。羅亂相兼十九年。所喜故人猶會面。不堪良牧已重泉。醉思把筇歌歌席。狂憶判身入酒船。今日與君贏得在。戴家灣裏兩皤然。

湖上歲暮感懷有寄友人

雪天螢席幾辛勩。同志當時四五人。蘭版地寒俱愛露。桂堂風惡獨傷春。音書久絕應埋玉。編簡難言竟

委塵唯有廣都廳。令在白頭罇酒憶交親。

送晉光大師

師以草書應制

禹祠分首戴灣逢。健筆尋知達九重。聖主賜衣憐絕藝。侍臣摘藻許高蹤。寧親久別街西寺。待詔初離海上峰。一種苦心師得了。不須回首笑龍鍾。

感懷

石徑松軒亦自由。謾隨浮世逐飄流。驚駘路結前程恨。蟋蟀牀生半夜秋。揜耳惡聞宮妾語。低顏須向路人羞。雖教小事相催迫。未到青雲擬白頭。

縣齋秋晚酬友人朱瓊見寄

中和節後捧瓊瑰。坐讀行吟數月來。只歎雕龍方擅價。不知賴尾竟空回。千枝白露陶潛柳。百尺黃金郭隗臺。惆悵報君無玉案。水天東望一裴徊。

秋日有寄

丹青未合便回頭。見盡人間事始休。只有百神朝寶鏡。永無纖浪犯虛舟。曾臨鐵甕雖分職。近得金陵亦偶遊。東去西來人不會。上卿蹤跡本元洲。

送前南昌崔令替任映攝新城縣

五年苛政甚蟲螟。深喜夫君已戴星。大族不唯專禮樂。上才終是惜生靈。亦知單父琴猶在。莫厭東歸酒未醒。二月春風何處好。亞夫營畔柳青青。

下第作

年年模樣一般般。何似東歸把釣竿。岳谷謾勞思雨露。彩雲終是逐鷓鴣。塵迷魏闕身應老。水到吳門葉欲殘。至竟窮途也須達。不能長與世人看。

重過三衢哭孫員外

爛柯山下忍重到。雙檜樓前日欲殘。華屋未移春照灼。故侯何在淚洶瀾。不唯濟物工夫大。長憶容才尺度寬。一慟旁人莫相笑。知音衰盡路行難。

送蘄州裴員外

六枝仙桂最先春。蕭灑高辭九陌塵。兩晉家聲須有主。六朝文雅別無人。榮驅豹尾拋同輩。貴上螭頭見近臣。蘄水蒼生莫相羨。早看歸去掌絲綸。

重九日廣陵道中

秋山抱病何處登。前時韋曲今廣陵。廣陵大醉不解悶。韋曲舊遊堪拊膺。佳節縱饒隨分過。流年無奈得人憎。卻驅羸馬向前去。牢落路歧非所能。

旅舍書懷寄所知

思量前事不堪尋。牢落餘情滿素琴。四海豈無騰躍路。一家長有別離心。道從汨沒甘雌伏。跡恐因循更陸沈。寂寞誰應弔空館。異鄉時節獨霑襟。

簡令生日

祥煙靄靄拂樓臺。慶積元元節後來。已向青陽標四序。便從嵩嶽應三台。龜銜玉柄增年算。鶴舞瓊筵獻壽杯。自顧下儒何以祝。柱天功業濟時才。

西川與蔡十九同別子超

相歡雖則不多時。相別那能不斂眉。蜀客賦高君解愛。楚宮腰細我還知。百年恩愛無終始。萬里因緣有夢思。腸斷門前舊行處。不堪全屬五陵兒。

龍泉東下卻寄孫員外

穀江東下幾多程。每泊孤舟卽有情。山色已隨遊子遠。水紋猶認主人清。恩如海岳何時報。恨似煙花觸處生。百尺風帆兩行淚。不堪迴首望崢嶸。

牡丹

豔多煙重欲開難。紅葉當心一抹檀。公子醉歸燈下見。美人朝插鏡中看。當庭始覺春風貴。帶雨方知國色寒。日晚更將何所似。太真無力凭闌干。

送盧端公歸臺盧校書之夏縣

綿綿隄草拂征輪。龍虎俱辭楚水濱。只見勝之爲御史。不知梅福是仙人。地推八米源流盛。才笑三張事業貧。一種西歸一般達。柏臺霜冷夏城春。

送朗州張員外

聖朝綸閣最延才。須牧生民始入來。鳳藻已期他日用。隼旗應是隔年迴。旗飄峴首嵐光重。酒奠湘江杜魄哀。腸斷秦原二三月。好花全爲使君開。

淮南送工部盧員外赴闕

始從豸角曳長裾。又吐雞香奏玉除。隋邸舊僚推謝掾。漢廷高議得相如。貴分赤筆升蘭署。榮著緋衣從板輿。遙想到時秋欲盡。禁城涼冷露槐疎。

送陸郎中赴闕

幕下留連兩月強。爐邊侍史舊焚香。不關雨露偏垂意。自是鴛鴦合著行。三署履聲通建禮。九霄星彩映明光。少瑜鏤管邱遲錦。從此西垣使鳳凰。

途中送人東遊有寄

離騷莫惜暫逡巡。君向池陽我入秦。歲月易拋非曩日。酒杯難得是同人。路經隋苑橋燈夜。江轉臺城岸草春。此處故交誰見問。爲言霜鬢壓風塵。

長明燈

破暗長明世代深。煙和香氣兩沈沈。不知初點人何在。祇見當年火至今。曉似紅蓮開沼面。夜和寒月鎮潭心。孤光自有龍神護。雀戲娥飛不敢侵。

送友人歸夷門

二年流落大梁城。每送君歸卽有情。別路算來成底事。舊遊言著似前生。苑荒嬾認詞人會。門在空憐烈士名。至竟男兒分應定。不須惆悵谷中鶯。

湘中見進士喬詡

吳公臺下別經秋。破虜城邊暫駐留。一笑有情堪解夢。數年無故不同遊。雲牽楚思橫魚艇。柳送鄉心入酒樓。且酌松醪依舊醉。誰能相見向春愁。

錢塘江潮

怒聲洶洶勢悠悠。羅刹江邊地欲浮。漫道往來存大信。也知反覆向平流。任拋巨浸疑無底。猛過西陵只
有頭。至竟朝昏誰主掌。好騎鯨鯉問陽侯。

送人赴職任褒中

物態時情難重陳。夫君此去莫傷春。男兒只要有知己。才子何堪更問津。萬轉江山通蜀國。兩行珠翠見褒人。海棠花謝東風老。應念京都共苦辛。

早春送張坤歸大梁

蕭蕭羸馬正塵埃。又送輪軒向吹臺。別酒莫辭今夜醉。故人知是幾時回。泉經華岳猶應凍。花到梁園始合開。爲謝東門抱關吏。不堪惆悵滿離杯。

寄渭北徐從事

暖雲慵墮柳垂條。驄馬徐郎過渭橋。官秩舊參荀祕監。樽罍今伴霍嫖姚。科隨鵠箭頻曾中。禮向侯弓以重招。莫恨東風促行李。不多時節卻歸朝。

寄三衢孫員外

小敷文伯見何時。南望三衢渴復飢。天子未能崇典誥。諸生徒欲戀旌旗。風高綠野苗千頃。露冷平樓酒滿卮。盡是數旬陪奉處。使君爭肯不相思。

淮南送盧端公歸臺

鳳鸞勢逸九霄寬。北去南來任羽翰。朱紱兩驂王儉府。繡衣三領杜林官。道從上國曾匡濟。才向牢盆始重難。應笑張綱謾生事。埋輪不得在長安。

撫州別阮兵曹

雪晴天外見諸峰。幽軋行輪有去蹤。內史宅邊今獨恨。步兵廚畔舊相容。十年別髮疑朝鏡。千里歸心著晚鐘。若不他時更青眼。未知誰肯薦臨邛。

新安投所知

少年容易捨樵漁。會辱明公薦子虛。漢殿夜寒時不食。宋都風急命何疎。雲埋野艇吟歸去。草沒山田賦
遂初。長劍一尋歌一奏。此心爭肯爲鱸魚。

淮南高駢所造迎仙樓

鸞音鶴信杳難迴。鳳駕龍車早晚來。仙境是誰知處所。人間空自造樓臺。雲侵朱檻應難到。蟲網閉窗永
不開。子細思量成底事。露凝風擺作塵埃。

重送朗州張員外

朱輪此去正春風。且駐青雲聽斷蓬。一榻早年容孺子。雙旌今日別文翁。誠知汲善心長在。爭奈干時跡
轉窮。酬德酬恩兩無路。謾勞惆悵恨鳳城東。

廣陵秋夜讀進士常修三篇因題

入蜀歸吳三首詩。藏於笥篋重於師。劍關夜讀相如聽。瓜步秋吟煬帝悲。景物也知輸健筆。時情誰不許
高枝。明年二月春風裏。江島閑人慰所思。

漢江上作

漢江波浪淥於苔。每到江邊病眼開。半雨半風終日恨。無名無跡幾時迴。雲生岸谷秋陰合。樹接帆檣晚
思來。對此空慚聖明代。忍教纓上有塵埃。

秋夜寄進士顧榮

秋河耿耿夜沈沈。往事三更盡到心。多病謾勞窺聖代。薄才終是費知音。家山夢後帆千尺。塵土搔來髮一簪。空羨良朋盡高價。可憐東箭與南金。

病聽馬

櫪上病驄蹄夏夏。江邊廢宅路迢迢。自經梅雨長垂耳。乍食菰漿欲折腰。金絡銜頭光未滅。玉花毛色瘦來焦。曾聽禁漏驚街鼓。慣踏康莊怕小橋。夜半雄聲心尙壯。日中高臥尾還搖。龍媒落地天池遠。何事牽牛在碧霄。

全五代詩卷七十二

吳越

羅隱六

臺上望湖口逢人

艱難別離久。中外往還深。已改當時髮。空餘舊日心。

朽木真遇邊使

累年無的信。每夜望邊城。袖掩千行淚。書封一尺金。

自到西川住。惟君別有情。常逢對門遠。又隔一重城。

盡道豐年瑞。豐年瑞若何。長安有貧者。為瑞不宜多。

釣船拋卻異鄉來。擬向何門用不才。日晚獨登樓上望。馬蹄車轍滿塵埃。

心懷書懷

意氣

意氣

意氣

逐隊隨行二十春。曲江池畔避車塵。如今贏得將衰老。閒看人間得意人。
心如野鹿跡如萍。謾向人間性一靈。往事不知多少夢。夜來和酒一時醒。

荒堆無草樹無枝。嬾向行人人間昔時。六國英雄漫多事。到頭徐福是男兒。

自擬西浮雲

溶溶曳曳自舒張。不向蒼梧卽帝鄉。莫道無心便無事。也曾愁殺楚襄王。

沈水良材食柏珍。博山煙煖玉樓春。憐君亦是無端物。貪作馨香忘卻身。

臺上年年掄翠蛾。臺前高樹夾漳河。英雄亦到分香處。能共常人較幾多。

西施

家國興亡自有時。吳人何苦怨西施。西施若解傾吳國。越國亡來又是誰。

自遣

得卽高歌失卽休。多愁多悔亦悠悠。今朝有酒今朝醉。明日愁來明日愁。

銅雀臺

強歌強舞竟難勝。花落花開淚滿膺。祗合當年伴君死。免教憔悴望西陵。

鸚鵡

莫恨雕籠翠羽殘。江南地暖隴西寒。勸君不用分明語。語得分明出轉難。

梅

天賜胭脂一抹腮。盤中磊落笛中哀。雖然未得和羹便。曾與將軍止渴來。

楊帝陵

入郭登橋出郭船。紅樓日日柳年年。君王忍把平陳業。只博雷塘數畝田。

柳

灞岸晴來送別頻。相偎相倚不勝春。自家飛絮猶無定。爭解垂絲絆路人。

秦紀

長策東鞭及海隅。鼉鼉奔走鬼神趨。憐君未到沙邱日。肯信人間有死無。

仙掌

掌前流水駐無塵。掌下軒車日日新。謾向山頭高舉手。何曾招得路行人。

淚

遍臉橫頤咽復勻。也會讒毀也傷神。自從魯國潛然後。不是姦人卽婦人。

王濟墓

男兒未必盡英雄。但到時來卽命通。若使吳都猶王氣。將軍何處立殊功。

圍城偶作

東望陳留日欲曛。每因刀筆想夫君。自從郭泰碑銘後。只見黃金不見文。

贈妓雲英

鑑戒錄云。鍾陵妓雲英。隱與書下第見之。雲英曰。羅秀才尙未脫白。隱贈詩云。

鍾陵醉別十餘春。重見雲英掌上身。我未成名君未嫁。可憐俱是不如人。

故都

江南江北兩風流。一作迷津一拜侯。至竟不如隋煬帝。破家猶得到揚州。

獻尙父大王

數年鐵甲定東甌。夜渡江山膽斗牛。今日朱方平殄後。虎符龍節十三州。

蜂

不論平地與山尖。無限風光盡被占。採得百花成蜜後。爲誰辛苦爲誰甜。

簾

翡翠佳名世共稀。玉堂高下巧相宜。殷勤爲囑織纖手。捲上銀鉤莫放垂。
嚴陵灘

中都九鼎勤英髦。漁釣牛簑且遁逃。世祖升遐夫子死。原陵不及釣臺高。

華清宮

樓閣層層佳氣多。開元時節好笙歌。也知道德勝堯舜。爭奈楊妃解笑何。

帝幸蜀

馬嵬山色翠依依。又見鑾輿幸蜀歸。泉下阿蠻應有語。這迴休更怨楊妃。

鷺鷥

斜陽澹澹柳陰陰。風裏寒絲映水深。不要向人誇素白。也知常有羨魚心。

書淮陰侯傳

寒燈挑盡見遺塵。試瀝椒漿合有神。莫恨高皇不終始。滅秦謀項是何人。

小松

已有清陰逼座隅。愛聲仙客肯過無。陵遷谷變須高節。莫向人間作大夫。

竹

籬外清陰接藥闌。曉風交夏碧琅玕。子猷死後知己少。粉節霜筠竈謾寒。

謾天嶺

西去休言蜀道難。此中危峻已多端。到頭未會蒼蒼色。爭得禁他兩度謾。

江南

玉樹歌聲澤國春。纍纍輜重憶亡陳。垂衣端拱渾閑事。忍把江山乞與人。

江北

廢宮荒苑莫閑愁。成敗終須要徹頭。一種風流一種死。朝歌爭得似揚州。

人日新安道中見梅花

其年以徐寇停舉

長途酒醒臘春寒。嫩蘂香英撲馬鞍。不上壽陽公主面。憐君開得卻無端。

蟬

天地工夫一不遺。與君聲調借君緜。風棲露飽今如此。應忘當年滓濁時。

宮詞

巧畫蛾眉獨出羣。當時人道便承恩。經年不見君王面。落日黃昏空掩門。

涇溪

涇溪石險人競懼。終歲不聞傾覆人。卻是平流無石處。時時聞說有沈淪。

題杜甫集

楚水悠悠浸楚亭。楚南天地兩無情。思交孫武重泉下。不見時人說用兵。

春風

也知有意吹噓切。爭奈人間善惡分。但是糝糠微細物。等閑擡舉到青雲。

席上歌水調

餘聲宛宛拂庭梅。通濟渠邊去又回。若使揚皇魂魄在。爲君應合過江來。

題新榜

黃土原邊狡兔肥。犬如流電馬如飛。灞陵老將無功業。猶憶當時夜獵歸。

早行二首

北去南來無定居。此生生計竟何如。酷憐一覺平明睡。長被雞聲惡破除。雨灑江聲風又吹。扁舟正與睡相宜。無端戍鼓催前去。別卻青山向曉時。

宿紀南驛

策蹇南游憶楚朝。陰風淅淅樹蕭蕭。不知無忌奸邪骨。又作何山野葛苗。

烏程

兩府攀陪十五年。郡中甘雨幕中蓮。一瓶猶是烏程酒。須對霜風淚泫然。

野狐泉

滔滔寒光濺路塵。相傳妖物此潛身。又應改換皮毛後。何處人間作好人。

金山僧院

根盤蛟蜃路藤蘿。四面無塵輟棹過。得似吾師始惆悵。眼前終日有風波。

紀事載。隱又有句云。老僧齊罷關門睡。不管波濤四面生。

題鑿石山僧院

日夜潮聲送是非。一回登眺一忘機。憐師好事無人見。不把蘭芽染褐衣。

夜泊義興戲呈邑宰

溪畔維舟問戴星。此中三害在圖經。長橋可避南山遠。卻恐難防是醉靈。

贈無相禪師

人人盡道事空王。心裏忙於市井忙。惟有馬當山上客。死門生路兩相忘。

寄聶尊師

欲芟荆棘種交梨。指畫城中日恐遲。安得紫青磨鏡石。與君閒處看榮衰。

寄竇澤處士二首

蘭亭辭客舊知聞。欲問平安隔海雲。不是金陵錢太尉。世間誰肯更容身。

驚背樓臺拂白榆。此中槎客亦踟蹰。牢山道士無仙骨。卻向人間作酒徒。
許由廟

高挂風瓢濯漢濱。土階三尺愧清塵。可憐比屋堪封口。若到人間是衆人。
八駿圖

穆滿當年物外程。電腰風腳一何輕。如今縱有驂騑在。不得長鞭不肯行。

姑蘇臺

讓高泰伯開基日。賢見延陵復命時。未會子孫因底事。解崇臺榭爲西施。

焚書坑

千載遺踪一窖塵。路傍耕者亦傷神。祖龍算事渾乖角。將爲詩書活得人。

四皓廟

漢惠秦皇事已聞。廟前喬木眼前雲。楚王謾費閒心力。六里青山盡屬君。

韓信廟

翦項夷秦勢已雄。布衣還是負深功。懦夫女子俱堪恨。卻把餘杯奠廟通。

董仲舒

災變儒生不合聞。謾將刀筆指乾坤。偶然留得陰陽術。閉卻南門又北門。

芳草臺邊魂不歸。野煙喬木弄殘暉。可憐高祖清平業。留與閒人作是非。

擊柱狂歌慘別顏。百年人事夢魂間。李將軍自家聲在。不得封侯亦自閒。

把得閒書坐水濱。讀來前事亦酸辛。莫言麈尾清談柄。壞卻淳風是此人。

雉聲角角野田春。試駐征車問水濱。數樹枯桑雖不語。思量應合識秦人。

青山廟

市簫聲咽跡崎嶇。雪恥酬恩此丈夫。伯主兩忘時亦異。不知魂魄更歸無。

孟浩然墓

數步荒榛接舊蹊。寒郊漠漠雨淒淒。鹿門黃土無多少。恰到書生塚便低。

淮口軍葬

一陣孤軍不復迴。更無分別只荒堆。莫言賦分須如此。曾作文皇赤子來。

貴游

館陶園外雨初晴。繡轂香車入鳳城。八尺家童三尺箠。何知高祖要蒼生。

京中正月七日立春

一二三四五六七。萬木生芽是今日。遠天歸雁拂雲飛。近水遊魚迸冰出。

七夕

月帳星房次第開。兩情惟恐曙光催。時人不用穿針待。沒得心情送巧來。

中秋不見月

風簾浙浙漏鐙痕。一半秋光此夕分。天爲素娥嬌怨苦。併教西北起浮雲。

中秋夜不見月

陰雲薄暮上空虛。此夕清光已破除。只恐異時開霽後。玉輪依舊養蟾蜍。

竹下殘雪

牆下濃陰對此君。小山尖險玉爲羣。夜來解凍風雖急。不向寒城減一分。

杏花

暖氣潛催次第春。梅花已謝杏花新。半開半落閒園裏。何異榮枯世上人。

柳

一簇青煙鎖玉樓。半垂欄畔半垂溝。明年更有新條在。繞亂春風卒未休。

隋堤柳

夾岸依依千里遙。路人回首認隋朝。春風未息宜華意。猶費工夫長綠條。

鎮海軍所貢羅不全

簷前飛雪扇前塵。千里移添上苑春。他日丁寧柿林院。莫宜恩澤與閒人。

金錢花

占得佳名繞樹芳。依依相伴向秋光。若教此物堪收貯。應被豪門盡劇將。

病中題主人庭鶴

遼水華亭舊所聞。病中毛羽最憐君。稻粱且足身兼健。何必青雲與白雲。

子規

銅梁路遠草青青。此恨那堪枕上聽。一種有冤無可報。不如銜石疊滄溟。

簾

疊影重紋映畫堂。玉鈎銀燭共熒煌。會應得見神仙在。休下眞珠十二行。

白角籠

白似瓊瑤滑似苔。隨梳伴鏡拂塵埃。莫言此箇尖頭物。幾度撩人惡髮來。

聽琴

寒雨蕭蕭落井梧。夜深何處怨啼鳥。不知一盞臨卣酒。救得相如渴疾無。

聽琵琶

香筵酒散思朝散。偶向梧桐暗處聞。太抵曲中皆有恨。滿樓人自不知君。

章魯封

魯封桐廬人。舉進士不第。與羅隱齊名。時號章羅。武肅王辟爲表奏孔目官。累遷蘇州刺史。著

章子三卷

北夢瑣言。屯難之世。君子遭遇不幸。往往有之。唐進士章魯封。與羅隱齊名。人號章羅。皆浙中人。頗舉不第。擊采甚著。錢尙父。土豪。偃起。號錢塘八都。洎破。蕭昌奄有抗越。於是章羅二士。羅其籠罩。然其出于草萊。未

諸事體。重輕宰而輕耶官。嘗曰。某人非才。只可作耶官。不逞作縣令。即可知也。以章魯封爲表奏孔目官。章拒而見咎。差羅隱宰錢塘。皆畏死。真命也。章羅以之爲恥。錢公用之爲榮。玉石俱焚。吁可惜也。或云。章魯封後典蘇州。著章子三卷。行於世。

謹池毫二州賓佐兼寄宣武軍掌書記李晝

池州杜少府。隨毫州章中丞。仕符二君。皆以長年。精求釋道。樂營子女。厚給衣糧。任其外住。若有宴飲。方一召來。柳際花間。任爲娛樂。謹

中舉子。章魯封爲詩。諱其實佐。兼寄李詩云云。李晝戲酬詩云。秋浦

亞。癩頰。叔子。謙都中憲。老桑門。如今柳巷通車馬。唯恐他時立棘垣。

杜叟學仙輕憲質。章公事佛畏青娥。樂營卻是閒人管。兩地風情日漸多。

